



東白堂詞選初集卷之四

三韓佟世南梅岑選

大滌陸進蓋思

定

西陵張星耀砥中

武塘曹爾堪顧庵閱

小令

眼兒媚

秋閨

劉基

烟草淒淒小樓西。雲壓鴈聲低。兩行疎雨，一絲殘照。

數點鴉棲。春山碧樹秋重綠。人在武陵溪。無情明月。有情歸夢。同到幽閨。

春晝

梁清標

日射晴窓靜無譁。風裊柳枝斜。有人淡院。凝粧獨坐。門掩桃花。追思往日重回首。心事付啼鴉。隔牆鶯語。却疑春色。只在鄰家。

堂堂

王士禛

相逢曾記在秦樓。軟語倚箜篌。最難忘處。人稱窈窕。鄉是溫柔。別來光景堂堂去。往事莫回頭。不堪重

說。常郎非少。阿杜經秋。

旅懷

吳綺

南浦涼風落荷花。秋色老京華。一窻涼月。三更細雨。倦客思家。陡來心事香殘後。清淚滴琵琶。憑誰問取。秦樓過鴈。漢闕歸鴉。

閒意

梁允植

怕點霜華鬢報秋。春色又添愁。誰家小婦。風傳青玉。雲過紅樓。少年多負花時約。老大自含羞。歌殘酒罷。喜逢燈下。妬殺枝頭。

重過維揚

董俞

亂蟬衰柳泣。邗溝。舴艋是重遊。青山不改。紅蕖將吐。白了人頭。數聲畫角。殘陽裏。羈客易悲秋。多應惹起十年舊夢。一片閒愁。

閨情

柴震

半捲珠簾控銀鈎。獨坐理箜篌。紛紛榆莢。茫茫柳絮。吹過西樓。碧漪雲漾。東風暖。池上晚寒收。青梅戲擲。黃鸝驚起。花落牆頭。

小院

陸進

小院沉沉雨初殘。人倚玉闌干。數聲啼鴉。一庭芳草。門掩春寒。綠窻夢破。湘江遠。終夜不成眠。許多愁思。亂縈心曲。憔悴朱顏。

感懷

張星耀

華髮羞窺鏡屏中。十載恨飄蓬。少年疎放。樓頭馬上。多少匆匆。夜寒倚枕。愁無寐。寂寞掩房櫳。芭蕉敗葉蕭蕭。索索捲盡西風。

朝中措

平山堂和歐公原韵

王士禛

平山堂外又東風。寒食柳濛濛。欲訪歐公行處，寒烟暮靄連空。仙翁已遠，髯公復去，文筆誰工。南望金焦兩點，江天依舊飛鴻。

將復平山堂和歐公原韵

汪懋麟

平山舊跡已成空。清磬暮雲中。當日烟花，夜月而今，禾黍秋風。山川無價，文章有主，我輩情鍾。再種堂前楊柳，新詞重和坡翁。

寄懷吳赤一

韓獻

長安三月解征衫。花落夢魂愁。記得黃鸝聲裏，同携

斗酒雙柑。知君誰共。市中擊筑。座上雄談。滿地悲笳。塞北連天。芳草江南。

青衫濕

維揚感懷

牛奂

天涯落魄同憑弔。當日恁風流。游絲隱樹，斷虹遮雨，難認迷樓。追思舊事，荷香十里，簫鼓蘭舟。今朝都是夕陽衰草。滿眼春愁。

雨元宵

史惟圓

好天良夜成辜負。風雨正黃昏。燈光月影，銷沉何處。

靜掩重門。舊遊追憶。紅牙白雪。銀燭金樽。春來惟有斷腸芳草。空怨王孫。

客吳門

張星耀

山塘七里繁華地。疎樹夕陽斜。斷雲殘雨。行人洒淚。簫鼓誰家。朱門往事恍如一夢。回首天涯。西陵依舊。王孫芳草。人面桃花。

錦堂春

閨情

梁清標

遠砌試探芳信。捲簾放出香烟。小樓幾陣廉纖雨。寒

食杏花天。鸞鏡羞窺瘦影。鴛衾怨畏春眠。呢喃喚醒深。閨夢雙燕到堂前。

秋怨

程靜

玉簫寒生暮雨。水綃淚染朝霞。多情記得還家未。叢桂已無花。譜入銀箏恨切。窺來寶鏡愁加。無端鴈去書難寄。飛盡總由他。

閨怨

羅賢

悶倚闌干無緒。亂愁難理如絲。風前揉盡梅花片。不待聽黃鸝。翠鏡塵封夜月。繡簾寒掩朝暉。朱顏誰

東白堂詩選
解相憐惜。懶自畫雙眉。

江上感懷

張星耀

病骨難勝酒力。單衣不耐風寒。可憐腸斷江頭客。值
得數聲猿。天外空傳芳信。閨中暗老朱顏。也知夢
去還相見。無奈不成眠。

太常引

夜吟用稼軒韵

潘世暹

韶華過眼逐流波。今古暗相磨。可惜對姮娥。恨有酒
無肴奈何。燈前壁壘。興亡紙上。無恙舊山河。更起

舞婆娑。杯盡處。英雄恨多。

無題

張星耀

閒情分付與行雲。省却兩眉顰。檢點舊羅巾。收拾起
從前淚痕。酒醒無賴。幾回閒佇。庭院欲黃昏。一見
又消魂。真堪嘆。柔腸悞人。

柳梢青

春望

陳子龍

繡嶺平川。漢家故壘。一抹蒼烟。陌上香塵。樓前紅燭。
依舊金鈿。十年夢斷婁娟。回首處。離愁萬千。綠柳

東白堂詩選
新蒲昏鴉春鴈芳草連天

春望

宋徵輿

楊柳梢青東郊十里歌盡流鶯碧玉樓頭綠紗窻裏
春睡如醒天涯自有人行目斷處長亭短亭記得
當時香車寶馬寒食清明

春望

錢穀

倚閣臨軒東風吹徹麥秀連天金爵臺高銅駝門冷
殘照依然尋思此日當年歌舞處朱橋畫船黃鳥
啼晴海棠着雨無限畱連

春日

梁清標

小雨纔收平沙細草綠滿西疇柳眼青歸桃腮紅暈
人倚高樓家家繡幕簾鉤春不管斜陽旅愁羅綺
風前鞦韆影裏馬上墻頭

感事

彭孫適

何事沉吟小窻斜日立遍春陰翠袖天寒青衫人老
一樣傷心十年舊事重尋回首處山高水深兩點
眉峯半分腰帶憔悴而今

詠涼枕

嚴曾渠

質本輕圓。情深水筆。緣淺紅綿。長日紗厨。勾人午倦。
賺落釵鈿。偏宜香頰生憐。銷魂處。暈印紅鮮。怪底
秋深。梧桐葉墜。惜別經年。

秋望

吳棠禎

陌上花驄。十年夢斷。漢苑秦宮。金馬門虛。銅駝草冷。
女。照秋空。當時太液芙蓉。回首處。深紅淺紅。依舊
不堪。美人黃土。帝子青楓。

客懷

沈茗祥

極目長天。寒波搖月。落日依山。磯畔漁歌。天涯鴈唳。

家在雲邊。蓬窗無奈秋寒。黯澹裏。疎星亂烟。兩岸
芙蓉。一林風露。孤客停船。

春怨

俞美英

陌上春寒。新鶯浴雨。細草酣烟。魂逐飛花。淚隨流水。
不到天邊。慙慙空寫瑤箋。料夢裏。纔能事圓。杜牧
三生。劉郎前度。崔護今年。

極相思

賦得有約不來過夜半

鄒祗謨

小樓獨對雲屏。鳳脰自青青。待伊來也。溫存錦瑟。排

待銀箏。暗笑薄情真箇惜。全不聽城頭四更。偏教看盡繡窻。月上花影分明。

應天長

莊皇帝鼓吹詞

高拱

萬靈扈蹕歸元宅。丹旆悠悠過紫陌。露華清。雲氣白。千古橋山埋劍舄。六載思仁澤。哀慟羣黎百辟。何處再瞻雲日愁結。蒼梧夕。

西江月

春日湖上

龔鼎孳

晴日花邊簫鼓。春人畫裏樓臺。鴟彝烟漿碧天開。不記鳴笳絕塞。歲月頻銷濁酒。風波不到蒼苔。小蘓羅帶柳。卿才喜與青山同在。

廣陵寄憶

龔鼎孳

別怨暗移青鏡。春愁倦聽紅牙。揚州燈火絳樓紗。不似石頭城下。伴我郵亭孤月。負他寒食梨花。沒來由事誤天涯。玉笛當風此夜。

咏別

吳偉業

烏鵲橋頭夜語。櫻桃花下春愁。廉纖細雨綠楊舟。畫

閣玉人垂手。紅袖盈盈粉淚。青山剪剪明眸。今宵好夢倩誰收。一枕別時殘酒。

題懸真子浮家泛宅圖

曹爾堪

有客漁焉終老。惟君賜者為家。釣竿茶竈隔船紗。携去隨潮上下。水口紅桃易散。山前白鷺飛斜。風波惡處舞神鴉。笑捲青簑歸罷。

春夜

沈謙

別後何曾有夢。見時又說多情。玉樓銀燭坐吹笙。贏得半床春病。欲去愁魂裊裊。難乾淚眼盈盈。落花

風緊。月三更。簾外鸚哥叫冷。

小樓

沈謙

疎雨尚霑池草。輕風暗掃庭梅。小樓燈火畫簾垂。簾外月華如水。被冷真愁擁髻。枕欹却憶顰眉。忽聞金斗簸殘灰。夜靜原來未睡。

感事

韓純玉

釀得葡萄美酒。肯教輕換涼州。幾番酒盡問牀頭。報道玉缸還有。天上白衣蒼狗。人生華屋山丘。不須憔悴不須愁。看取夕陽衰柳。

其二

韓純玉

赤鳥尾邊分耀。蝸牛角上爭雄。人間事事轉頭空。鏡裏拈花風弄。李廣不知假虎。葉公豈象真龍。三更燈火五更鐘。驚破一番新夢。

感述

曹溶

溪上尊鱸短棹。霜餘鏡鼓層臺。少年場客畫圖開。擲了龍堆鴈塞。名利已酬華髮。文章又老青苔。縱饒姝麗解憐才。繡轂雕輪安在。

虎丘

計南陽

燕子樓邊水淺。流鶯枝上花殘。碧苔青塚影珊珊。最是馬驕人懶。絳樹一聲。細紅綃半臂香寒。銀床玉綆幾時閒。數點青山日晚。

春遊

吳綺

客路亭亭芳草。春行處處溪橋。倚樓兒女黛眉嬌。目送錦江征棹。金屋柳烟深鎖。玉人何處吹簫。幾行歸鴈入霞霄。啼破一痕殘照。

紫雲洞

陳慈永

古洞岩頭挂碧。清泉石罅流丹。鳥聲嘈雜却忘喧。飛

過間雲一片。避暑冷生衣袂。長呼響遏林巒。徘徊
不覺晝闌干。雨滴苔痕又斷。

薄倖

張星耀

花下彩箋頻寄。樓頭玉手親招。明知薄倖故相調。却
又爲他煩惱。舊事總藏心裏。新愁暗鎖眉梢。秣陵
西去路迢迢。冷雨荒烟亂草。

佳人

張星耀

扶鬢輕翻翠袖。踏花不露弓鞋。欲教相近恐人猜。覷
着含情無奈。一縷烟生苔徑。半鉤月照香階。撚將

紅杏獨歸來。風裊繡花裙帶。

偷聲木蘭花

春情寄白下故人

王士禛

綠楊陰裏鞦韆索。乳燕學飛池上閣。水漲銀塘落絮
浮萍又夕陽。方山亭下江南路。畫槳凌波從此去。
十四樓空萬葉千花淚眼中。

少年遊

春愁

梁清標

啼鶯恰恰到窻紗。幾縷曉烟斜。此日春城。漢宮傳蠟

散入五侯家。三分春色愁中度。一半在梨花。腸斷
黃昏酒醒殘月。門外卽天涯。

秋遊

李天馥

千林落葉馬蹄紅。香霧捲晴空。平蕪衰草蒼茫無際。
山。色。夕。陽。中。黃。花。滿。目。秋。光。冷。遠。磬。咽。西。風。向。晚。
人。家。池。塘。清。淺。流。水。碧。溶。溶。

清明前二日惠山閒步

徐喈鳳

尋春迤邐傍山行。渴飲玉泉清。曲徑紅飛危亭綠覆。
鶯。啾。兩。三。聲。佳。人。爭。趁。清。明。近。分。隊。踏。濃。青。但。恨

春波輕紉半掩流睇未分明。

秋砧

李長苞

戍樓急鼓少人行。高樹掛殘星。夏鳥初啼竹燈深處。
寒。杵。兩。三。聲。征。衣。頻。記。霜。華。冷。心。急。剪。刀。輕。萬。里。
黃。河。一。行。銀。鴈。同。做。許。多。情。

家兄雲麓同弟芷公遊飛來峯予以簿書未

與悵然有作

梁允植

翠螺薄靄映窗紗。湖岸柳風斜。想像層巒白雲紅樹。
鐘。磬。曉。山。家。怪。石。孤。危。人。氣。肅。鷺。影。落。雲。花。慚。負

東白堂詩選
奇峯有懷空谷。咫尺隔天涯。

旅次

沈嘉詔

秋林歷歷墜疎星。霜氣壓虛楹。羈旅天涯。夜長時候。愁對一燈青。來朝馬首知何處。目斷古長亭。住亦非家。去還為客。誰道不零丁。

滿宮花

獨眠

俞士彪

夢沉沉。燈炯炯。銷盡金鑪香餅。雖然時節近清和。到底獨眠還冷。金枕欹。銀漏靜。門外雨聲未定。玉娥

心事慣牽縈。料得這時猶醒。

宮詞

陸進

香霧濃。春草碧。滿徑落紅狼藉。羊車隱隱過離宮。粉黛都教無色。杜鵑又向枝頭泣。細雨梨花寒食。羅衾繡枕未曾熏。自倚玉闌吹笛。

惜分飛

春愁

劉基

蝶醉蜂迷鶯不語。門掩一庭花雨。春事無多許。野雲江樹誰為主。縱有垂楊千萬縷。難縮教春莫去。愁

到傷心處數聲杜宇青山暮

本意

鄒祇謨

芍藥仍開花步障。小閣春愁一晌。潛入葡萄帳。床頭
私致聲無恙。歲歲青陵臺畔望。人在蘼蕪曲巷。再
到添惆悵。夕陽芳草閒相向。

離情

沈豐垣

柳外輕風花上露。記得那時相聚。別後誰憐取。一春
花柳無心覩。倦倚銀屏傷意緒。盼得斜陽又暮。夢
到難堪處。枕兒相伴人兒去。

月中行

旅店把酒對月

汪懋麟

平時對月碧紗紅。小鴨篆烟濃。雲鬟雙照卷簾櫳。微
醉唱春風。豈知第一銷魂景。偏無賴。茅店朦朧。還
聽遠寺一聲鐘。泪滴酒杯中。

憶漢月

旅邸芭蕉

宋徵輿

樹底碧陰銷暑。照盡空庭。闕處。夢魂昨夜故鄉歸。聽
足五更秋雨。幾層新葉起。千萬卷。竟無心緒。知他

東白堂詩選
隨意綠西風。不啻暮愁來去。

荷花

張星耀

波面淡烟輕蔽。葉底彩鴛雙戲。朱顏生怕老西風。時
照盈盈秋水。知他心蒂裏。有多少柔絲縈繫。淒淒
零露曉無人。三十六陂紅淚。

少年遊

閨情

馬洪

調脂弄粉。梳雲掠月。次第曉粧成。鸚鵡籠邊。秋千墻
裏。半晌不聞聲。原來却在瑤階下。獨自踏花行。笑

摘朱櫻。微揜翠袖。枝上打流鶯。

席上有贈

彭孫遹

花底新聲。尊前舊侶。一醉盡生平。司馬無家。文鴛未
嫁。贏得是虛名。當時顧曲朱樓上。烟月十年更老。
我青袍。誤人紅粉。相對不勝情。

送惲正叔歸毘陵

王昶

精神消腹。烟雲在手。揮洒見幽情。十里西湖。濃妝淡
抹。只是想毘陵。驪歌唱罷。人皆醉。猶倚玉簫聲。落
日躊躇。後期重訂。疎柳暗紅亭。

天竺道中同張砥中作

沈豐垣

映柳青眉破花紅頰却怪湘簾隔何計傳情漫教隨
步蝶趁東風力鈿車漸逐香塵遠獨對斜陽立芳
草無邊晚烟不斷古道春愁直

春閨

王紹曾

曉烟未歛春池欲皺花影壓迴廊淡日窺簾輕寒着
枕曾否試新粧闌干敲遍無人應顛倒費思量燕
子啣花呢喃不住來去自雙雙

客懷

徐昌薇

青衫欲破朱顏易換憔悴老征塵荒草秋風衰楊斜
日匹馬向孤村少年因甚長飄泊心事那堪論翠
袖頻偎金樽屢勸無奈總銷魂

離情

張星耀

碧梧墜葉畫簷滴露樓外已三更翠被重重熏金樽再
爇斜月冷銀屏安排腸斷明朝別相對不勝情京
國繁華疎狂似你真是費丁寧

梁州令

雨過

劉基

東白堂詩選
兩過羣山翠。楊柳含烟如醉。畫簷雙燕引雛飛。風動
榴花。點點猩紅碎。對花莫把闌干倚。心亂難爲理。
夕陽江上。滿眼清波。總是愁人淚。

醉花陰

秋思

劉基

樓外斜陽低半樹。雖好難留住。樹裏有鳴蟬。似訴衷
情。哽咽風前語。碧雲不見蓬萊路。青鳥今何處。莫
更倚闌干。愁上心頭無計推他去。

擬艷

陳子龍

綉幕屏山紅影對。兩點愁眉黛。消息又黃昏。立遍蒼
苔。賺得心兒悔。一縷博山庭院內。人在秋千背。夜
久落春星。幾陣東風殘月梨花碎。

擬艷

宋徵輿

風裊綉簷雲鬢礙。一半輕粧退。玉漏出花間。羅襪無
聲。人影紗窻背。酒爰春酥紅入黛。銀燭搖仙珮。和
露洗臙脂。金粉全消。只有香肌在。

寒食

丁澎

墻角鞦韆紅影度。踏遍新苔露。眉恨寄天桃。賺燕迷

鶯都做相思樹。柳絲烟挽香簾暮。春悶晴如雨。樓外更飛花。屈戌重重難鎖。東風住。

卽事

賀裳

柳花飛處分鸞恨。一向無音信。馬識舊遊踪。行過門前。佇立渾忘進。金籠鸚鵡呼聲近。名姓猶相訊。侍女乍傳言。剗襪相迎。不待撩雙鬢。

和轅文重九作

虛元昌

暮雲靄靄高樓閉。客整看花騎。莫遣到南陵。一片江山。慣賺登高淚。青帘十里誰家肆。笑解金龜寄。回

首漫銷魂。不是西風。誰把黃花醉。

柳

夏完淳

片雨弄愁愁未了。柳眼窺春蚤。深處未鴛來。弱影絲絲。翠入晴江小。鵝黃半却烟光曉。剪出東風巧。借問馬頭人。長短亭前。留得青多少。

觀荷

曹鑑章

日轉朱闌花影碎。並蒂牽衣袂。好景莫蹉跎。綠蟻青樽。唱徹金塘內。落霞點點飛天際。滿目雲山翠。拚我酒腸寬。玉露沉沉。花比人先醉。

夜思

徐汾

記得當初同笑語。此夜繁愁緒。花月影朦朧。露濕春衣。却是相逢處。漏長好把相思訴。淚落如紅雨。畢竟不成真。環珮珊珊。又逐朝雲去。

美人摘茉莉

嚴曾模

炎炎溽暑愁長晝。喜近黃昏候。天碧掛蟾鈎。瞥見瓊英。半吐香初透。纖纖玉腕花前逗。惹得香盈袖。待取縷烏絲。幽韻翩然。若個能消受。

和金嶠菴韻

仲恒

一春風雨春將暮。又把春光誤。無奈惱春情。春鳥春花。都逐春歸去。春來原是無憑據。春去知何處。把酒囑春風。我欲留春。試問春相許。

春情

柴震

烟鎖朱樓垂柳外。春色重簾礙。無力上鞦韆。却被東風吹起。雙鴛帶。花間蝴蝶飛還在。膩粉沾香黛。欲撲又還停。看着輕紈。愁緒無聊賴。

客歸

張星耀

陌上疎疎香雨洒。燕欲和人話。倦客較歸遲。細蕊新

花都被東風嫁。遊絲落絮空牽惹。兀是無憑藉。那得不傷懷。今日明朝過了韶光也。

杜鵑

張星耀

花落江南春已暮。何事還催去。怨語忒分明。相喚頻頻。耽悞人行路。紛紛血淚拋紅雨。染遍空山樹。人靜夜三更。月冷風酸。啼到無聲處。

南柯子

羈懷

楊慎

黃鶴蓬萊島。青鳧杜若洲。愁人寂夜夢仙遊。不信一

身流落向南州。萬里家山路。三更海月樓。離懷脉脉思悠悠。何日錦江春水。一扁舟。

題南柯夢傳奇

湯顯祖

玉茗新池雨。金泥小閣晴。有情歌酒莫教停。看取無情。蟲蟻也關情。國土陰中起。風花眼角成。契元還有講殘經。為問東風吹夢。幾時醒。

旅恨

曹溶

馬度離人地。山啣去國程。孤身都似雪花輕。僥倖不如春色過清明。水榭低金鎖。重簾冷玉笙。那家沽

東白堂詩選
酒甚多情。又被晚風吹送宿沙城。

飲稚黃宅

方象瑛

十日吳城臥。三年越客吟。良朋深喜愜。幽襟長擬乘。
春過訪讀書林。燒燭銀膏淺。聽歌玉漏深。勝遊不
得附知音。惆悵梨花庭院。月沉沉。

午睡

陳維崧

磁枕搖新竹。藤床蔭瘦桐。人間亦有廣寒宮。半畝荷
亭。幾陣藕絲風。簟滑涼如水。幃虛翠若空。花陰得
失。鬧鷄蟲。覺後掀髯一笑。夕陽紅。

春月

陳子龍

淡淡花梢去。融融翠影流。碧天無際迥含愁。留得一
庭春露上簾鉤。風軟飛紅盡。烟深綠柳收。爲誰相
送海西頭。應有玉簫吹斷鳳凰樓。

春情

嚴繩孫

積潤初消砌。輕陰尙覆城。薔薇花外度流鶯。却道年
來。渾是不關情。青鏡人如昨。朱絃手盡生。斷腸天
氣舊池亭。夢裡紅香清露泣三更。

客思

顧貞觀

東白堂詩選
古錦餘香濕。春綃積淚殷。相思已是不能閒。况復看人憔悴。換朱顏。醉淺愁仍結。寒淡夢却還。輕烟一碧。漾雙鬟。昨夜家書應過小姑山。

和楊王客賦得玲瓏隔窻語 毛 牲

青漆垂銀鑰。丹紗映玉樞。隔窻嬌立小芙蓉。兩地分明細語一燈紅。玉好鳥音初剪。幽蘭氣轉濃。相看在自喚玲瓏。一寸明螺。榻子萬重峯。

落花

毛 牲

粉蕊飄蜂米。紅英展地衣。一團并作屐頭泥。却自桃

花飛過李花飛。殘粉留青蒂。零紅斷碧枝。落花原有蚤和遲。空自曉風吹了。晚風吹。

立春

王廷璋

臘向今晨盡。春從細雨來。看山徐過小橋隈。昨日梅花已趁夕陽開。曲徑寒雲隔。幽枝蝶夢回。春情冷落舊蒼苔。換得新愁鸚鵡暗相催。

紀遇

聶鼎元

帶綰同心結。鞋挑雙鳳頭。多情生小愛風流。十五盈盈渾是不知愁。隔水啼鶯細。凌風舞燕柔。恨他歸

去不能留。却羨梨花終日映粧樓。

旅懷

丁介

落日家何在。寒雲路幾層。離情黯黯已三更。愁煞夜
深風雨過郵亭。柳外金鈴濕。樓前玉勒停。天涯何
處不飄零。休問萬重波浪。一浮萍。

偶來

佟世南

曙雪凝瓊貌。春山壓翠蛾。偶來芳逕暫婆娑。喜得書
齋深處。少人過。小立堦金縷。閒行整砑羅。櫻桃微
綻笑生窩。低問花間句讀。是如何。

醉紅粧

勸酒

吳綺

迴廊羅幕捲金泥。照垂楊。月影齊。有人年少好蛾眉。
歌宛轉。勸玻璃。就中擲眼怕人疑。佯轉面。整紅衣。
低告玉郎須盡醉。郎不飲。又花飛。

午日

王暉

單衫鮮似杏紅嬌。畫裙輕。稱細腰。篆符斜向玉釵搖。
分昌獨和香醪。蘭湯浴罷倦無聊。倚苔石。弄瓊簫。
製得守宮羞不點。明日驗。怕全消。

尋芳草

別恨

夏完淳

幾陣杜鵑啼。却在那杏花深處。小禽兒喚得人歸去。喚不得愁歸去。離別又深春。最恨也多情飛絮。恨柳絲繫得人愁住。繫不得愁人住。

離愁

吳儀一

寫盡相思字。也沒個人兒要寄。怪心頭直恁恹恹地。不知待怎生是。聽不得寒蛩幾番起。幾番重睡。問漏聲。你有何心事。似離愁不斷底。

探春令

上元雨

陳子龍

寒梅香斷滿簾風。庭院春無主。火微紅。明滅紗窗裏。知有玉人低語。年時花月相逢處。隔小橋幾許。想今宵獨剔銀燈和淚。多了黃昏雨。

荷葉杯

春閨

丁澎

繚繞空庭如雨。柳絮粧閣小簾垂。東風不遣透羅幃。飛麼飛。飛麼飛。伊軋枝頭不去。杜宇悶倒小窓西。

巫山拚作曉雲歸。啼麼啼麼啼。

紅窗睡

春怨

潘雲赤

一抹春山烟霧裏。慘淡得兩眉恁地。鏡兒羞見人消瘦。故呵些愁氣。說道花開能再會。却為甚當初見面。有情沒意。燕子重來。倒卸將愁至。

東坡引

夜闌

佟世南

月兒圓似鏡。偏是人孤另。下階怕露芳鞵影。畫裙風

不定。畫裙風不定。闌干還獨凭。露濕蒼苔冷。新篁敲遍誰相應。此情郎自省。此情郎自省。

浪淘沙

望月

劉基

樓上倚闌干。月在雲端。輕烟蜚盡碧綃寒。腸斷夕陽芳草外。山海漫漫。柳嫩不堪攀。欲寄應難。盤龍塵匣怨孤鸞。可惜嬋娟今夜月。好共誰看。

秋感

劉基

江上晚來風。烟靄濛濛。白蘋吹盡到丹楓。流水落霞

東白堂詩選
衰草外離恨無窮。極目楚雲東。愁見歸鴻。拒霜相倚夕陽中。露重月寒芳草歇。知爲誰紅。

感事

劉基

天際草離離。鴻鴈南歸。冷烟凝恨鎖斜暉。蝴蝶不知身是夢。飛上寒枝。惆悵倚闌時。總是傷悲。絕憐紅葉似芳菲。清露自凋風自落。沒個人知。

春情

楊慎

春夢似楊花。繞遍天涯。黃鶯啼過綠窓紗。鶯散香雲飛不去。篆縷烟斜。油壁小香車。水渺雲賒。青樓珠

箔那人家。舊日羅巾。今日淚濕盡韶華。

離恨

楊慎

靈鵲噪重簷。幾度虛占。錦江春色隔鸚鵡。怕見雕梁雙燕子。常下珠簾。離恨惱江淹。彩筆慵拈。碧雲離合暮山尖。伴我歸心和別夢。只有銀蟾。

春恨

陳子龍

閣外曉雲生。烟草初醒。一番風雨一番晴。幾度銷魂。還未了。又到清明。偏是對娉婷。特地飄零。落花春夢兩無憑。滿眼離愁留不住。悔我多情。

秣陵秋旅

宋徵輿

鴈字起江干。紅藕花殘。月明昨夜照更闌。酒醒忽驚秋色近。迴首長看。零露曉風寒。鄉夢須還。鳳城衰柳不堪攀。木落秦淮人欲去。無限關山。

留別

王彥泓

花霧漲冥冥。欲雨還晴。薄羅衫子着來輕。解道明朝寒食近。且莫成行。花下酒頻傾。纖手重增。十三弦畔訴離情。又得一宵相伴也。無限丁寧。

春恨

龔鼎孳

翠憶報花來。春恨重栽。西風吹夢上妝臺。舊夢不留新夢遠。影裏徘徊。客思遶秋苔。鐵馬驚開。銀床冷落。薛濤才細。展紅香。溫麗句一字千猜。

和漱玉詞

王士禛

硯匣日隨身。檢點殘春。橫雲斜日鬪鮮新。昨夜相思曾入夢。香雨香雲。記得鬻丹唇。似喜還嗔。醒來惆悵隔仙津。欲識迴腸千萬轉。日日車輪。

次宋尙木憶昔韻

王士祿

綉幕晚來重。怪底香濃。丁香如夢月朧朧。紅燭殢人

身自空言送
耽笑語。過了疎鐘。倦眼睇酥胸。脂肉芙蓉嬌羞銀
蒜罷青蟲。往事臨風休更憶。吹亂心蓬。

樓上愁

尤侗

回首仲宣樓。浩浩江流。楚雲湘雨幾家收。畫角西風
聲一片。烽火神州。淮擬泛新愁。一葉扁舟。珠簾捲
盡。鴈行秋。無賴夢魂飛不定。何處相留。

有懷

毛先舒

宿世與他生。今夕逢迎。此中含恨又含情。記得凭闌
私語處。歷歷分明。過鴈兩三聲。雲樹層層。常時此

際晚粧成。怕見屏山紅一角。雨後新晴。

江頭卽事

毛先舒

沉黑壓江城。鷲地潮生。北風吹斷雨零星。恰好南峯
留半面。烟翠微晴。眉黛寫秋清。一抹分明。莫愁艇
子喚誰迎。短柳長亭。今古淚只爲多情。

客夜

顧貞觀

擁髻燭花偏。特地遷延。縷金雙枕只空圓。昨夜新霜
鴛瓦濕。寒到君邊。片鐵掛檐前。消受無眠。一聲容
易破秋烟。央及潯陽江上鴈。莫近離船。

春閨

周振藻

鶯燕太匆忙。旖旎風光。玉梭和淚織流黃。覺得遠山
眉又淺。怕整殘粧。今夕在何鄉。羅綺餘香。空教寶
瑟弄初涼。眼底青春今去也。花落銀床。

江村

董俞

斗帳異香熏。無限溫存。鳳簫吹斷更偎人。枕上雙蛾
衾上淚。事事銷魂。潦倒厭芳尊。身在孤村。梧桐殘
露隔窻聞。別是一番滋味也。月淡黃昏。

客窻夜雨

彭孫適

寒雨太連綿。一抹江天。廣陵鐘斷夜無眠。何事秋聲
吹不了。長打窻前。酒後轉凄然。着處堪憐。故鄉只
在睡鄉邊。好囑夢兒歸去也。片刻團圓。

憶舊

俞汝言

芳草接天涯。幾片流霞。小樓宛轉暮雲遮。記得當時
歌舞地。碧水梨花。歸路一鞭斜。斷送年華。夜涼無
夢越窻紗。酒醒更殘燈又熄。春在誰家。

冬夜宿梅花樓有感

錢瑄

三徑草平遮。樹老槎牙。黃蘆占盡白鷗沙。空有小寒

東白堂詩選
風信到。不見梅花。夜月聽啼鴉。也帶傷嗟。高臺傾
處石橫斜。浙浙紙窗驚曉夢。吹入霜華。

清明

沈謙

雨過小窗晴。幾處鶯聲。紛紛花柳障春城。我自愁多
如中酒。人道清明。簫鼓畫船輕。遊賞何曾。倚簾終
日淚盈盈。風裏落花。渾不響。驀地心驚。

夜怨

沈謙

人靜雨瀟瀟。簾影風搖。殘杯獨酌轉無聊。翠袖啼痕
紅燭淚。同灑春宵。烟水隔斜橋。魂斷誰招。帶圍寬

盡沈郎腰。到得見時。卿試比。不讓苗條。

有憶

吳騏

疎雨過金塘。花葉低昂。碧盤風瀉水珠香。日暮一樽
池上酌。羅袂生涼。厚意久難忘。欸語神傷。會時爭
比別時長。往事明知如夢也。未免思量。

思量

沈豐垣

春色恁匆忙。蝶亂花狂。長堤獨立對斜陽。一片有情
芳草地。都屬思量。何處認歸航。水與山長。碧雲小
閣隱垂楊。吹過東風。簾不捲。飛絮茫茫。

春愁

沈豐垣

春冷却如秋。鶯怯歌喉。小園芳徑草初柔。風裏落花
花裏淚。落盡難收。長日自多愁。怕上簾鉤。輕烟薄
霧黯紅樓。誰信碧闌干外。月曾照梳頭。

傷春

沈豐垣

好夢幾番驚。花又凋零。東風難記許多情。病雨傷春
忙過了一事無成。空對晚山青。眉影分明。却教私
語向銀屏。燕子飛來。人不見。徒倚空亭。

呂氏席上口占

洪雲來

銀燭照歌筵。翠袖翩翩。香喉宛轉帶人憐。檀板敲殘
花上月。簾外春寒。脉脉醉魂牽。咫尺雲山。相思已
作一生拚。只恐今宵。眉語後。瘦了紅顏。

春閨

吳景斌

一片落花飛。幾許春回。遊人偏自不曾歸。惱煞殷勤
留別處。山與眉低。羅幌曉燈微。撩亂鶯啼。南樓昨
夜彩雲迷。回首畫屏重。問訊又隔天涯。

旅感

丁介

歸夢隔西園。行李蕭然。披幃起坐見朝烟。望斷春光

無覓處。芳草連天。搖曳柳絲牽。不似當年新愁強。
半在肩間。幾載銷磨人老矣。說也徒然。

九日

王暉

九日雨瀟瀟。葉滿亭臯。寒江千頃泛波濤。一片愁心
應不減。獨坐吹簫。風物盡蕭條。別恨偏饒。白衣誰
個送香醪。插遍茱萸。徒洒泪。何處登高。

春恨

楊之順

轉眼又春殘。日永如年。亂紅拖雨過秋千。一片行雲
遮好夢。那得成眠。天外跨青鸞。浪說從前。桃源何

計可留仙。莫信劉郎多薄倖。回首蒼烟。

憶見

毛宗宣

兀坐小庭中。黯黯情悰。武陵春隔九疑峰。總是相逢
無一語。深悔相逢。曲徑度香風。竹影重重。擬將密
意託焦桐。促得月中人去。後花霧空濛。

龍津旅舍次關查度題壁韻 陳奕禧

霜葉未全枯。鳥下平蕪。行人偏自逐長途。纔過龍津
官渡去。又望江都。客裏好懷無。爛醉狂呼。鄉關千
里在三吳。笑我浪遊成底事。夢落江湖。

秋閨

高雲龍

疎雨響芭蕉。寶鴨香消。小紅燈映翠屏遙。一段秋思無處着。堆上眉梢。更點未曾敲。泪已先拋。暗風剪剪透窻條。鐵樣被兒眠不得。獨坐吹簫。

湖心亭楊柳

汪彬

翠影接遙天。還繫遊船。柔情黯黯不勝眠。彈徹琵琶今夜月。此際誰憐。玉笛晚風前。長倚朱闌。歌鶯舞燕自年年。寂寂空亭人去後。一片寒烟。

秋閨

陳景鏊

孤月照空房。影過紗窻。梧桐搖落覆銀牀。一派清光渾似水。都屬思量。懶去整殘粧。漫弄絲簧。朦朧剛夢到。花傍又被啼螿。驚覺也。真個淒涼。

沈適聲借登吳峯

周雯

長日廢高吟。柳線拖金。良朋招我一登臨。望裏長江天際濶。雲影消沉。憤懣莫燒琴。尚有同心。高山流水說知音。無限新愁都不管。濁酒頻斟。

湖心亭楊柳

潘睿隆

柳色漸舒青。恰喜初晴。鏡中一片水波明。玉笛銀箏。

聽未了。又聽流鶯。桃李自娉婷。一水盈盈。東風誰
信最多情。吹起殘花千萬點。不許人行。

前題

王廷璋

湖岸柳初生。弱縷青青。輕颺飛絮慣飄零。誰遣漫空
頻作舞。惱亂春情。歡意幾曾經。離思牽縈。漸看衰
草暮烟橫。猶幸勾留亭畔。月還照。輕盈。

憶舊

柴際溶

殘蠟閃餘光。影怯空床。暗風吹雨過紗窗。剩枕閒衾
都是淚。誰要思量。花徑捉迷藏。月照迴廊。水晶簾

下看梳粧。惆悵舊歡無覓處。雲鎖巫陽。

東白堂詞選初集卷之五

三韓佟世南梅岑選

大滌陸進盡思定

西陵張星耀砥中

鹽官彭孫適羨門閱

小令

浪淘沙

離愁

宗元鼎

纔得意綢繆。又說離愁。匆匆携手下紅樓。眼底淚珠

東白堂詩選
都滴盡。莫唱伊州。蘭漿逐東流。帆影悠悠。江花江
草見凝眸。最是無情風。與水慣送行舟。

夜怨

俞士彪

玉枕慣欹傾。薄醉初醒。扶將夢眼半曹騰。人語無聞
燈影淡。鼓已三更。簷際雨淋零。不奈人聽。何來哀
鴈又聲聲。便不尋思。當日事也。鼓傷情。

秋夜聞簫

陳成永

幾曲小蘭房。隱隱花香。瑤簫閒自按霓裳。一片彩雲
飛去了。紫鳳雙雙。燈暗漏初長。獨坐思量。蕭疎翠

竹墜微霜。徙倚空庭。秋漸冷。月到西窗。

清明

潘雲赤

花外鳥初鳴。驀地心驚。輕寒輕煖又清明。盡惜韶華
遊賞徧。我在愁城。強步出林坵。淚雨先傾。可憎荒
草太無情。纔是芳泥埋玉骨。轉眼青青。

別思

陸進

曾記別吳娘。水遠山長。羅襟猶帶乳花香。玉管冰絃
沉閣久。無奈思量。瞬息過韶光。老更疎狂。落紅多
處醉霞觴。惆悵藍橋偏咫尺。空羨裴航。

夜懷

佟世南

玉露釀秋寒。怕殺衾單。鳳樓人遠信難傳。立盡清宵
明月影。依舊孤眠。寂寞小窗前。落葉珊珊。西風吹
夢到江關。一霎相逢。還去了。煙水雲山。

相望

佟世南

相望隔重闌。兩地消寬。青山千疊鎖寒雲。夢去夢來
遮不住。幾個黃昏。柳葉展眉顰。鶯燕紛紛。不晴不
雨。奈何春盡道。養花天氣好。惱殺離人。

感懷

張星耀

十載客他鄉。鬢點秋霜。不勝悲嘆掩清觴。君唱鷓鴣
儂起舞。夜色蒼涼。少小利名場。枉自奔忙。年年流
水送韶光。銷盡雄心。都不惜。老却秋娘。

過西陵橋

張星耀

片片落花香。鶯語如簧。行行重到錦堤旁。往事憑他
多少恨。不要思量。飛絮白茫茫。吹滿羅裳。朱門依
舊隱垂楊。雲外玉簫吹欲斷。滿路斜陽。

感舊

張星耀

彩閣駐雲霞。簾幕深遮。玉纖銀甲弄琵琶。日暮酒酣

歸不得無限飛花。夢斷舊繁華。流落天涯十年重
到問仙家。一片空林明落照。歷歷棲鴉。

不寐

張星耀

昨夜夢魂中。翠袖輕籠。月華低照錦香叢。若使伊家
同此夢。也算相逢。今夜却惺惚。好夢無踪。孤幃寂
寂聽寒蛩。一點漏聲。千點淚。月挂疎桐。

留別

張星耀

夢斷綠窗紗。紅日西斜。怎將離恨訴琵琶。無可奈何
歸去罷。風起塵沙。繡閣晚煙遮。回首天涯。西陵景

物舊繁華。羅袖一春。都是淚無眼。看花

憶舊

張星耀

雲雨暗巫峰。魂夢難通。孤燈寂寞掩房櫳。窗外芭蕉
三兩樹。夜夜秋風。浪跡與萍踪。那得相逢。年時分
別。恁匆匆。記得玉纖扶上馬。夕照猶紅。

雨中夜坐

張星耀

獨坐鎮無聊。銀蠟頻挑。滿庭風竹響蕭蕭。窗外雨聲
窸裏。淚共滴春宵。佳約已難邀。舊日香消。朱門猶
記近東橋。只恐暗雲迷去路。魂夢空勞。

望江南

和秋岳

龔鼎孳

華燈畔。春眼溜微波。小閣名香籠繡帶。畫簾人影似
輕羅。妙處不須多。癡蝴蝶。生就繞纖蛾。玉碾蟾蜍
天上夢。風憐翡翠座中歌。多事憶蠻韉。

驚秋

吳啓思

秋已到。幽恨幾時知。去歲今朝花月夜。人間天上醉
眠時。撫景緒如絲。秋露冷。河漢影遲遲。萬事回頭
都是夢。一生着意半成癡。何處續相思。

本意

王士禛

江南意。風景奈何春。鵝子蘸絲黃淡淡。鴨頭染水綠
粼粼。帘外杏花村。江南憶。秋氣倍關人。楚塞鴻歸
山近遠。吳江楓落雨繽紛。誰道不銷魂。

為友人悼歌姬桐月

董俞

江南好。烟景繪晴川。柳絮淡雲寒食節。杏花香雨袂
衣天。腸斷畫橋邊。初相見。碧玉破瓜年。半晌幽歡
疑夢裏。幾番私語避人前。嬌小最堪憐。

江行

周珂

東白堂詩選
江聲咽。暝色走寒沙。水底青山銜落日。天邊綠樹挂殘霞。隔浦一帆斜。西風老。飄泊向天涯。數點啼鳥驚落葉。扁舟明月。載蘆花。今夜宿誰家。

和河宗作

林定遠

江南好。梅影夜參差。明月一庭人散後。華燈滿院酒闌時。蓮步下階墀。凭肩際。心事露青眉。香霧縈鬟釵半墮。微風動影帶雙垂。曾否也相思。

寄懷

顧戩宜

芳草渡。斜日照邗溝。隋苑鶯花空故國。蕪城楊柳繫

孤舟。歌吹不勝愁。從別後。尺素向誰投。客夢幾回。瓜步月。濤聲不盡。廣陵秋。相憶竹西樓。

杏花天

愁

王國瑛

一江綠水東流去。無數青山遮不住。夢魂欲識相思路。爭奈風風雨雨。病來時。鳳琴誰訴。酒醒後。鸞衾空誤。小樓倚遍闌干處。數盡朝朝暮暮。

水河傳

捲簾

陳玉璣

東白堂詩選
捲簾無語。楚館晨花。秦樓暮雨。遙山縹緲。有無中溝。水東流。日夜去。蠻箋擬寄。何由到。關河悄。鴈影清。江少。藝香魚。弄明珠。躊躇相思無處無。

雨中花

風情

王士禛

料峭東風吹細雨。作使得春愁無主。昨日清明。今朝百五。漸漸春光去。巨勝花前曾記遇。難忘却碧桃千樹。擁髻燈前。偷香被底。一一銷魂語。

金陵道上

張星耀

楚尾吳頭。山不斷。望故國。征途正遠。嶺雪如花。河水似鏡。匹馬行將晚。酒醉黑貂裘自煖。那更是朔風吹面。雲色寒凝。日光淡照。塵土行人飯。

河上鵲橋仙

感舊

張星耀

桂花無恙。湖頭往事。不堪重想。小樓依舊。月團圓。應不似那時心賞。秋來多病。瘦得如何樣。強起牽羅帳。曉窻寂寂。淚盈盈。僥倖殺鏡兒不亮。

雨中花

旅懷

劉基

月入疎松光的皦。淡烟鎖江城更寂。問何處無愁人。間今古莫作他鄉客。月裏青鸞空有翼。杳不見嫦娥消息。北斗縱橫。銀河清淺。重露成涓滴。

河傳

江上作

劉基

江上風過水生紋。煙裏斜陽半暝。雨聲不堪客裏聞。紛紛夢竟迷斷雲。夢斷天涯歸路杳。天欲曉。殘月窺窻小。木蘭舟。蘆葦秋汀洲。藕花相對愁。

和溫飛卿

彭孫通

愁緒如許對清宵。砌竹風敲蕭蕭。一聲兩聲魂欲銷。無聊冬缸凝玉膏。却抱雲和傳素怨。芳信晚。腸併危絃斷。夜烏啼。林葉飛。凄其小窻月。又西。

鷓鴣天

夜落金錢

楊慎

曲閣飄蕭一夜風。名花零落五銖紅。卜歡有信占今夕。買賦多情出後宮。朝暮朶淺深叢。翠幃絲帳錦簾櫳。漢江遊女愁多露。春在昭陽日影中。

乙酉九日

楊慎

早歲辭家賦遠遊。東西南北任萍浮。熟知津路無勞問。慣聽陽關不解愁。臨遠水。望歸舟。流波落木又驚秋。多情黃菊休添淚。且向尊前泛玉甌。

秋鴈

文徵明

萬里南來道路長。更將秋色到衡陽。江湖滿地皆繒繳。何處西風有稻梁。隨落日。渡清湘。晚鴉衝敵不成行。相呼莫向南樓過。應有佳人惱夜涼。

題畫

宋徵輿

粧束分明是內家。綠雲初結倚窗紗。水晶簾底懸秋月。雲母池中映碧霞。紅襪小。翠裙遮。微風搖颺一鈞斜。無端記得春深淺。獨向空庭數落花。

春遊

李天馥

閒裏看春到處宜。半晴天氣雨絲絲。江村楊柳迷遊騎。山店桃花颺酒旗。餘霧歛。亂香隨。夕陽芳草滿天涯。方纔領畧西州勝。又聽林前叫子規。

咏風

張戩

纔向江頭送別離。又來陌上促春歸。殘花尚自迷人

東白堂詩選
眼短草猶能沒馬蹄。朝雨過。暮雲飛。倚闌相對恨
依依。無情楊柳還吹綠。應解爲人染髣髴。絲

無題

嚴曾渠

漫捲珠簾上玉鈎。星眸斜睇半含羞。解將心事眉邊
露。却恐人前語不休。工染翰。薄搔頭。可知端正又
風流。闌干已訂來生約。人在花前。月在樓。

夜愁

沈謙

腸斷西園月滿林。無聊空自擁寒衾。垂將珠箔從春
去。挑盡銀燈覺夜深。期屢負。夢難尋。不知流淚濕

羅襟口。銜蓮子。兼紅豆。嘗徧相思苦在心。

春情

方炳

玉臂胭脂繫絳紗。驪駒一曲不思家。晝長愛學三眠
柳。夜靜羞看百合花。春易老。月多斜。行雲無夢到
天涯。夢中識路知何益。流水孤村。只暮鴉。

離情

方炳

盡道離人老去年。江南那得有晴天。子規啼處當微
雨。楊柳青時却暮煙。空快悵。自流連。依稀十二晚
峰前。原來入夢非容易。孤負燈花。照不眠。

離恨

成德

背立盈盈故作羞。手接梅蕊打肩頭。欲將離恨尋郎說。待得郎來恨却休。雲淡淡。水悠悠。一聲橫笛鎖空樓。何時共泛春溪月。斷岸垂楊一葉舟。

歌館

吳崇禎

九曲溪邊翡翠舟。春山黛色入妝樓。櫻桃香淡人雙笑。楊柳煙輕月一鉤。初握手。再梳頭。愛他端正又風流。呼郎先向紅床宿。立在燈前半日羞。

記事

張雲錦

一縷輕綃束杏衫。小鬟十五太嬌憨。尊前催拍燒紅燭。花下窺人避彩蟾。心上事。可能諳。往來應自別猜嫌。知伊解識東風苦。落盡梨花不捲簾。

記事

諸匡鼎

人住紅橋第幾家。春風終日掩窗紗。池邊共宿鴛鴦鳥。牆內新開姊妹花。眉黛歛。髻雲斜。玉弓却喜繡裙遮。勝常道罷無言語。曲曲銀屏照晚霞。

遊仙

馮雲驤

玉殿雲樓十二重。金沙縹緲界遙空。手攀琪樹神山

上坐弄珊瑚碧海。呼白鶴。駕蒼龍。閒吹鐵笛起天風。遙看九點齊州小。殘日如螢墜。晚紅。

諸虎男過草堂不值簡寄 陸進

颯颯風吹野草黃。尋詩曳杖出橫塘。看來衰柳皆秋怨。歸去空山半夕陽。人已遠。恨偏長。幾時重過話西窗。床頭剩有烏程酒。那問寒飛簾外霜。

客懷 張星耀

買醉紅樓路轉賒。亂山荒草接天涯。人非北鴈貪爲客。夢逐東風也到家。消篆縷。掩窗紗。晚來疎雨映

殘霞。病中只怕春歸早。欲倩遊絲繫落花。

題酒樓 張星耀

小婦爐頭喚客船。名花如錦酒如泉。窻爲月窟何曾缺。雨作荷珠到處圓。睂乍展。笑嫣然。海榴葉子插雲鬟。腰兒裊裊如春柳。那不逢人說可憐。

芳草渡

偶見 鄒祗謨

朱鞞鞞。翠筵篔。輕艷處。十三樓。徘徊雁柱白薇搗。香閣內。繡帳裏。不曾愁。春如線。人似燕。恨殺東君作

賤薰寶鴨倚秦箏綠髮膩紅潮淺越風流

玉樓春

春暮

劉基

東風白下橋邊道。不見百花惟見草。陰雲結暝燕來難。宿雨留寒春去早。渚蒲汀荇無煩惱。舞葉吹香隨處好。相思一夜楚江空。滿地綠苔蜂蝶老。

秋怨

沈自炳

盼盡玉郎離別處。空剩紫騮芳草路。年年同嫁與東風。只有小樓紅杏樹。愁病恹恹覓欲去。一霎芭蕉

寒響聚空嗟。薄命玉容人。值得數聲秋夜雨。

代客答女郎

李雯

角聲初展愁雲暮。亂柳蕭蕭難去住。舴艋舟前流恨波。鴛鴦渚上相思路。生分紅綬無人處。半响金樽容易度。惜別身隨南浦潮。斷腸人似瀟湘雨。

秋思

李雯

西園剩有黃花蝶。南浦驚飛紅杜葉。秋來獨自怕登樓。閒却吳綾雙素襪。亂鴉啼起愁時節。料峭西風渾未歇。兩行銀燕十三絃。彈破梧桐梢上月。

東白堂詩選
密怨

程 穉

霜風簾外吹衣薄。寒月侵人來繡閣。昨宵嗔恨幾多般。今夜燈前渾付却。雙雙紅淚君邊落。我不負心君也莫。從前負我百千回。難道從前俱是錯。

閨思

程 穉

子規啼遍楊花路。緘淚函情無寄處。君如南浦往來潮。妾似西陵朝暮雨。當年祇恨傳金縷。何必相逢成別苦。夜深蜀國十三絃。紫女青皇私自語。

雨過

來集之

窗外松篁初過雨。半天爽氣開煙霧。狂懷無計奈花飛。倚樓獨自和鶯語。偏是春來無意緒。隻身沒個安排處。溪流一派送愁來。山圍四面縈愁住。

相思

吳景斌

捲簾偷望長亭路。掩面暗垂雙玉筯。欲將紅豆寄新歌。怕惹相思還又住。獨眠已是無情緒。那更幾番風共雨。要知樓上斷腸時。只在枝頭春好處。

春回

姚 綬

東風寒悄人何處。百里幽閒猶未遇。看春不覺又清

東白堂詩選
明檻外。梨花开幾樹。相思心逐東流去。老天肯把韶光駐。陌頭楊柳正青青。莫教楊柳飛花絮。

三月晦日歸舟
彭孫通

淡烟斜日長亭暮。難得韶光容易度。江南無限斷腸花。枝上東風枝下雨。萋萋芳草傷心路。一片雲帆天外渡。人從春色去邊來。舟向夢覺來處去。

秋夜獨宿有懷

沈謙

湘簾一片秋聲碎。殘月窺人人不寐。心兒似你最無情。此時也合頻垂泪。寒風搖曳孤燈背。落落星光

如欲墜。思量還是影多情。夜夜伴儂愁裏睡。

閨晚

毛先舒

閒庭悄立愁時候。秋色滿堦花似繡。月明背着陡然驚。不信我真如影瘦。嗷嗷孤鴈丁丁漏。又是三蓼街鼓後。露珠珠淚一般多。誰濕銀紗衫子袖。

春曉

沈豐垣

早鳥啼起銀蟾落。錦帳香寒春意薄。天涯路遠幾曾經。莫怪夢中常是錯。起來小婢催梳掠。拈着青絲心緒惡。無情鏡子不憐人。暗把紅顏都換却。

春晚

沈豐垣

韶光九十今餘幾。坊曲愔愔飛燕子。獨憐春草不成。花看盡晚。雲都做水。綠江千里魚沉字。永日香銷。簾幕閉。鏡中不見舞鸞人。試問東風多少淚。

春怨

俞士彪

東君那肯留春住。水面飛花絲上絮。人生都是悶和愁。天意不離風共雨。淒涼庭院。慙慙暮。獨自點燈樓上去。手將金枕再叮嚀。今夜夢兒須好做。

和柳耆卿韻

潘雲赤

煙姿露蓋空相羨。記得瑣窻曾一面。前生若也沒因緣。何似此生休與見。還愁未必伊情愿。落得自家心緒亂。柳綿隨分嫁東風。偏是遊絲難得斷。

紅葉

聶鼎元

亭臯冷落秋霜早。夾岸青楓紅盡了。誰將血淚灑林間。杜宇啼時山月曉。胭脂冷落堆荒草。愁得閨中人欲老。不知葉上有詩無。碧澗水流雲杳杳。

憶舊

張雲錦

遊絲裊斷春難繫。折盡柳枝情莫寄。小庭清夜月纖

東白堂詩選
織曾共美人花下醉。欲尋舊日歡娛地。煙草茫茫
何處是。數聲玉笛暮雲中。千點啼紅春樹裏。

佳人

佟世南

低垂紅袖杯慵舉。灩灩春醅含又吐。翠蛾深鎖不因
愁。娟態故教郎看取。夜深金鴨銷香縷。嬌鳥不啼
花睡去。遠峯疑接楚臺雲。宿霧化爲巫峽雨。

月下美人來

爲沈柳亭悼楊倩玉

陸澹

茵蔯乍開碧沼。孤鴻又叫銀河。珮環空向夜臺過。不

信等閒情事易消磨。一片夕陽芳草。十年秋月春
波。絲絲垂柳暮烟拖。憶着小窓眉黛奈愁何。

山鷓鴣

春夜

丁澎

露浸梨花冷畫屏。流蘇斜月透正三更。被郎偷把銀
釭滅。將了鴛鴦繡未成。小語乍惺惺。低垂銀蒜落
悄無聲。貪歡枕上情如醉。多少啼鶯喚不醒。

雨中花

客懷不寐

劉森

東白堂詩選
浙浙風吹窗上紙。斷送得羈人無寐。嘆一盞殘燈半
床孤影。歸路三千里。枕邊落盡思鄉淚。漏未歇披
衣重起。聽倦馬嘶寒。荒鷄唱曉。雨在芭蕉裏。

夜行船

鬱孤臺

顧貞觀

爲問鬱然孤峙者。有誰來雪天月夜五嶺南橫。七閩
東距終古江山如畫。百感茫茫交集也。澹忘歸夕
陽西挂。爾許雄心無端。客淚一十八灘流下。

本意

陳成永

蘭橈夜半春江去。掛東風一帆微雨。犬吠疎籬烏啼
深柳。寂寞江村暗渡。岸轉溪迴行復住。倚篷窻又
傷離緒。碧浪翻雲。青山掩月。回首故園何處。

虞美人

寄懷

王世貞

浮萍只待楊花去。况更廉纖雨。鴨頭虛染最長條。醞
造離亭清淚幾時消。珊瑚翠色清豐酒。解醉愁人
否。薄寒攏送汝南鷄。徧向碧紗厨畔醒時啼。

映水

董斯張

不曾認得春江水。自道嬌無比。照來自問妾如何。但
覺澄波爲眼。眼爲波。晴濤微颭。釵鸞曲看殺。心難
足。君情倘得似春流也。有玉奴。睂眼在心頭。

鏡

陳子龍

碧闌囊錦妝臺曉。泠泠相對老。剪來一片小清波。容
得許多憔悴。暗消磨。海棠一夜輕紅倦。何事教重
見。數行珠淚。倩他流。莫道無情物也替人愁。

咏春雨

李雯

廉纖斷送茶蘼架。衣潤籠香罷。鷓鴣啼處不開門。生

怕落花時候。近黃昏。艷陽慣被東風妒。吹雨無朝
暮。絲絲只欲傍妝樓。却作一春紅。泪滿金篝。

春曉

沈際飛

堦前嫩綠和愁長。坐憶眠還想。飛紅破夢似相憐。起
望小林殘萼。損容顏。雙鶯又向愁人絮。春也知歸
去。箇人只是不歸家。生却楊花心性。落天涯。

初夏

吳鼎芳

海棠不礙窻紗影。鬢驪鴛鴦領。繡棚吹落唾花紅。但
見餘香一縷。裊晴風。柳綿無力輕煙惹。春色撩人

也舞衫閒搭畫欄邊。日煖融融好箇洗頭天。

看花

李天馥

看花只看花初放。繞樹春光漾。看花須看盛開時。正是東君着意護嬌姿。看花莫看初將謝。憔悴香魂也隨風。趁蝶惹輕煙。妝點一堦紅。雨使人憐。

愁情

丁澎

池中萍漾池邊柳。相映春光逗。與郎一處誓同生。除是郎爲柳絮。妾爲萍。萍根本是楊花結。不比閒枝葉。儂拚水面作萍花。只恐郎爲飛絮。又天涯。

落花

毛先舒

香。皆。細。掃。殘。花。朶。生。怕。人。猜。我。只。嗔。風。勁。減。芳。紅。那。曉。匆。匆。零。落。不。關。風。花。枝。解。我。因。花。瘦。故。意。相。挑。逗。怪。他。楊。柳。不。成。花。也。要。學。花。輕。薄。潤。兒。家。

廣陵李宗伯寓觀女劇作

毛牲

蕪城新曲勾欄淺。覆地氍毹軟。小蠻金管雪兒箏。二十四橋明月照人醒。三朝不作銜書鳳。但舞江南弄。曉風散去彩雲愁。可是竹西歌吹舊揚州。

席前贈歌妓

徐石麟

狂奴不愛杯中酒。只愛擎杯手。殷殷小語聽鶯聲。說道一分清酒十分情。新歌半折香喉媚。消得今朝醉。摩娑倦眼向人時。那更笑持紈扇索題詩。

訪譚玉芝較書值曉妝未罷 黃 永

飛瓊小字誰拈破。何事人間墮。曉寒紅袖裹春纖。又怕東風且下水晶簾。青螺未挽濃雲鬢。香入菱花小。知伊新恨在睂頭。只是對人強說不曾愁。

春閨

韓純玉

一簾花影春風夜。月到薔薇架。綺疏一半晚猶開。只

爲畫梁雙燕未歸來。挑燈約莫黃昏過。猶自薰香坐。星河耿耿傍闌干。留取小窻相對晚妝殘。

春怨

韓曾駒

落花不爲隨春去。別有閒情緒。尋花偶過野人家。偏是菜花開盡見桃花。無情每恨良宵月。圓少翻多缺。上弦數到下弦時。問有幾多明月上花枝。

燕去

沈 涵

新涼曉透孤衾冷。誰弄紗窻影。聲聲却似子規啼。報道不如歸去不如歸。呢喃雙燕思離別。別盡江南

客。此宵閒夢是誰驚。最恨西風落葉兩無情。

臨風寄語

董以寧

花陰空覆鴛鴦寢。寒入紅衾凜。早知好事付秋風。何事當初索性不相逢。聞伊別後思量意。竊自沾沾喜。累伊憔悴倍心傷。又望伊家索性不思量。

感舊

俞美英

滿庭蕭索秋光過。做弄人無那。眼前離恨總難禁。不獨風風雨雨碎人心。西陵橋畔多衰草。又聽哀鴻叫。這回也擬不思量。爭奈那時軟語最難忘。

七月初六夕

陸本徵

素馨花發清香透。薄染消殘酒。鵲橋明夜渡雙星。不信人間天上孰多情。相思此際都無據。只恨長離阻。一庭清露曉風寒。誰在銀河影下倚闌干。

金陵

吳棠禎

景陽宮樹胭脂井。玉輦寒花影。西風樓角鎖殘陽。回首夢中歌舞內家香。銀燈夜半秦淮雨。粉黛歸何處。江邊吹笛不堪聽。載得一船紅淚下金陵。

寒夜

俞士彪

東白堂詩選
壁燈搖颺紅梅影。人與花俱冷。翠衾獨擁。捱殘更難。
道。今宵畢竟不天明。暗風和雪敲窗下。聽着心兒
怕。十年前事一思量。枕上紅冰凍殺小鴛鴦。

別恨

俞士彪

畫船撾鼓催行路。留也終須去。看人離別已銷魂。何
况而今親作送行人。病時將息愁時耐。只要情長
在。浮萍流水各匆匆。或是他年僥倖得重逢。

客感

俞士彪

來時行樂邯鄲道。着意誇年少。酒酣耳熱袒貂裘。華

燭嬌娥扶我上高樓。而今客久思歸去。獨走天涯
路。征衫薄薄淚重重。衰草原頭病馬逐秋風。

春閨

李璿

小亭陣陣飄香雨。百舌銜花語。玉樓人杳暮煙橫。惟
見滿堤芳草共愁生。杜鵑只管催春去。不道人離
苦。個儂輕薄似楊花。只是隨他流水遶天涯。

南鄉子

春暮

文徵明

香爍透春肌。滿眼新嬌睡起遲。燕子不來三月盡。依

東白堂詩選
依手撚殘花玉一枝。風裊鬢雲垂無限。閒愁隱翠
睂。好夢不成春自去。相思只有青團扇。子知。

春寒

陳子龍

小院雨初殘。一半春風繡幕閒。強向玉梅花下走。珊
珊。飛雪輕狂點翠鬟。淡月滿闌干。添上羅衣扣幾
番。今夜西樓寒欲透。紅顏黛色平分凍。兩山。

秋病

宋徵輿

霜露染空簷。冷透羅衣着意添。扶起倦魂如帶夢。慊
慊。倚枕看人開鏡奩。愁過小睂尖。忍不傷心病又

兼更有一番腸斷也。纖纖淡月黃昏。風滿簾。

弔古

龔鼎孳

槐影落宮牆。寶瑟瑤笙恨杳茫。負了多情簾外燕。昭
陽。不見臨春鏡裏妝。月地問玄霜。遶后臺邊鈿粉
荒。玉漏不知金井換。悲涼。只記長門一樣長。

憶舊

熊文舉

秋色集飄檣。一帶傷心路渺茫。記得郵亭曾繫馬。斜
陽。人在紅樓倦晚妝。往事隔星霜。門巷愔愔砌草
荒。崔護重來應不改。淒涼。燕子呢喃話短長。

東白堂詩選
子閒納雙寵戲贈

錢繼章

茉莉晚涼天。角枕橫施壓髻蟬。郎似西陵潮有信。誰
先。妾似初生月半弦。旖旎若爲憐。不辨巫峯與維
川。妾似芙蓉花上露。誰研郎似荷珠。到處圓。

柳村

梁清標

近郭遍青疇。溪柳孤村杜若洲。菡萏自開花自落。悠
悠。野水閒雲泛白鷗。斜臥綠陰稠。瓜種東陵覓故
侯。小院柴扃留夕照。照。颺。颺。蟬咽西風滿路愁。

閨曉

王士禎

小婢弄香奩。宮餅爐中幾箇添。細雨如塵人乍醒。纖
纖。榆莢絕牆水半淹。曉漏報瓊籤。鸚鵡驚寒促下
簾。愁鎖眉峯慵對鏡。厭厭。空說吳娘笑是鹽。

月夜

董俞

羅襪錦茵重。葉葉銖衣不耐風。去似彩雲來似夢。匆
匆。腸斷迴廊細語中。愁倚畫闌東。六曲屏山燈影
紅。月自徘徊花自笑。朦朧。辜負香爐徹夜濃。

春晚

丁澎

睡起倦欹鬟。捱到黃昏淚盡斑。影怯空房燈又落。單

單簷掛春星燕子寒。心事正闌珊。倚遍東風步
難。睂暈三分腰一抹。看看瘦盡梨花春也殘。

惱春

吳棠禎

翠色映橫陳。金鴨浮香曙色新。窗外柳枝都綠了。因
循。紅淚模糊過一春。消瘦藕絲裙。玉鏡愁成多病
身。閒坐小樓看燕子。東隣一片花飛。惱殺人。

薄倖

洪昇

聽得管絃聲陣陣。春風出畫屏。殘睡膏騰梳洗懶。多
情暗裏嬌波轉不停。別後隔重城。夜夜紅窓一點

燈。待握彩雲飛又去。無成錯被人呼薄倖名。

湖上卽事

蔣漢紀

春水漲平沙。夾岸緋桃鬪彩霞。畫舫女兒年十五。如
花別有風情隔絳紗。待欲問伊家。喚出猶將素扇
遮。我已酒酣愁日暮。琵琶彈得尊前鬢欲華。

京口懷古

佟世南

霧散古城頭。滿目雲山北固樓。風景不殊人世換。含
愁落日無言江水流。西北望神州。無限新亭泪未
收。馬上健兒征戰盡。凝眸荒草蕭蕭故壘秋。

感懷

張星耀

長笑攬吳鉤。回首風塵滿。傲裘走越走吳都。自悞封侯。鐵馬金戈戰未休。烽火暗神州。畫角西風起暮愁。流落半生空作賦。依劉千古傷心。王粲樓

鵲橋仙

中秋

馬洪

不寒不暖。無風無雨。秋色平分佳節。桂花香散夜涼生。小樓上。簾兒高揭。多愁多病。閒憂閒悶。愁鬢紛紛成雪。平生不作負心人。惟負了。今宵明月。

幽會

龔鼎孳

紅箋記注。香縻勻染。生受綠蛾初畫。挑琴擘阮太多能。自寫影。養花風下。月低金管帶。飄珠席。兩好心。情難罷。芳時不慣。是烏啼。願一世小年。為夜。

清明

彭孫通

碧蕪瀉浪。晴川鋪練。一陣風來吹皺。韶華百五禁煙時。又過了幾番花候。天桃碧暈。垂楊添線。萬點春光。泄漏。口噙紅豆。寄多情。為誰把相思。嘗透。

客懷

鄒祗謨

輕寒輕煖。不晴不雨。辜負韶光九十。落花飛絮。兩無情。仗千尺游絲。作合羈遲湖海。飄零南北。從此扁舟一葉。夢回始覺。未歸來。恨一點窺人明月。

杜鵑

沈謙

江南花落樓西月。冷啼到不堪聞處。年年含血罵東風。恰似我嘔心奇句。雲低鏡峽。煙荒玉壘。漫說離情最苦。天涯多少斷腸人。只是你不曾歸去。

五日對酒作

沈謙

釵符裊玉臂。絲約彩驚嘆。流光如矢。雪頭堆上海榴。

紅吾老矣。顛狂如此。茂弘喻布。孔羣比肉。畢竟誰非誰。是一尊無處。酹靈均也。只合當年醉死。

早梅

沈謙

粉痕微坼。檀痕尚淺。迤邐因香尋着。一枝偷采雪中春。敢鶯燕全然未覺。銀瓶水煖。翠鬟手膩。又把軟簾垂却。溪橋煙冷。月初斜。怎消受五更寒角。

閏七夕

王昀

鵲聲再報。虹橋重架。僥倖今秋佳景。月痕偷照。看如何夜渡處。不嫌凄冷。機絲停織。箱衡閒服。好事雙

頭承領。早知良會又來時。前度裏別離應省。

旅思

錢元修

青山無數綠波無數。芳草又還無數。撩人無賴是江
煙。遮斷却故鄉行路。春朝虛度。春宵虛度。春夢也
成虛度。客愁唯有子規知。聽不得聲聲歸去。

送別

俞士彪

朔風吹面曉霜迷路。又唱驪歌一闕。眼前多少送行
人。知爲着阿誰嗚咽。金尊懶勸。玉簫空奏。回首亂
山重疊。此生羨殺少情人。怎鍊得柔腸似鐵。

幽情

俞士彪

翠雲卸枕。玉樓襯被。雙頰夜來偏好。金鈎銀蒜影。糝
糊燈一點。不妨留照。薄醒未醒。暗香正暖。睨着橫
波微笑。玉郎已是瘦稜稜。怕明日腰圍更小。

春閨

俞士彪

黛螺初點。玉纖輕握。催煖金壺綠。醋舊巢燕子一雙
兒也。學我綺窗私語。憐他嬌小。費儂珍惜。好箇朝
朝暮暮。萬年枝上合歡花。渾不信人間春去。

閨怨

洪雲來

東白堂詩選
杯浮玉茗香濃寶鴨。自把繡衾雙疊。蘭缸頻剔護窗紗。怕子夜西風吹滅。長天星淡空堦露冷。隱隱更籌欲絕。玉郎總是不歸來。任簾外花枝搖月。

孜孜

陸進

綺窗鵲噪繡幃人起。畫得眉山一半。檢奩忽見去年書。又側坐孜孜偷看。冷風入幕殘花滿地。欲炷沉香意嬾回身。却顧小青衣。問雲髻可曾吹亂。

王嶧桐邀看海棠

佟世南

閒庭雨過畫闌風暖。帶濕海棠紅膩。夜來香霧暗朦

騰喚不醒楊妃春睡。棋敲玉局杯浮綠蟻。喜與故人相對。殘春行客去難留。那得共花前長醉。

端陽前一夕飲顧嚮中園

佟世南

蜀葵似錦海榴如火。風拂小亭無暑。菖蒲綠映酒杯紅。早知是明朝重午。新題相和良朋快聚。莫問天邊晴雨。客中有酒可銷愁。且隨分釵符艾虎。

夜懷

佟世南

影迷銀蠟光凝玉乳。夢被彩雲邀截。低鬟障袖不聞聲。比中酒心情還怯。帳綃隱約簾鉤搖漾。殘漏沉

沉未絕。忽驚風雨夜來多。認一派朦朧花月。

對畫

張星耀

明眸剪水。纖蛾拖翠。裊裊香鬟擁霧。是他嬌臉認分
明。那博得。片時私語。三年悵別。幾回愁對。枉費朝
朝暮暮。願教儂也。向圖中。同化作彩雲飛去。

轎

張星耀

雙拖繡帶。低垂金蒜。飄散蘭香滿路。障簷不住。顫東
風。却兩點。鳳尖時露。柳絲欲綰。花枝又阻。行處蜂
團蝶聚。分明見了。怕銷魂。倒不若湘簾遮住。

一斛珠

夜懷

吳鼎芳

金鈴風動。和煙和月。醒殘夢。銀釭剩蕊。將人弄淚。浥
香羅。幾點胭脂凍。花映朝陽。簾不控。雕梁未倚。先
心痛。一程芳草。歸鴻送。舊恨新愁。填滿湘雲空。

望月

趙進美

木犀小院。碧雲夜靜。孤輪滿。亂紅送影。湘裙展。六曲
屏山。翠幙深深捲。麴痕襪薄。苔痕軟。畫樓咫尺。清
光遠。水沉香盡。歸仍嬾。繡被入寒。不共金鳧煖。

東白堂詩選
春閨風雨
宋徵輿

無人到處未開紅杏先飄雨。遠烟着樹生千縷。掩映
窻紗不見相思路。落花難向金溝住。一江紅淚流
將去。鷓鴣聲急催天暮。料得黃昏枕底愁無數。

讀天寶遺事
王士禎

風流堪惜沉香亭下雙鸚鵡。長生殿裏如膠漆。別院
梨花偷試寧王笛。漁陽戰鼓驚相逼。馬嵬古驛羅
衫濕。秋槐落盡空凝碧。殘月華清何處人行跡。

城南晚興
毛先舒

鳳凰西嶺古松萬顆雲盤頂。殘山剩水閒風景。鴈落
紅灘颿布排千艇。丹楓一徑胭脂冷。斜陽斷處烟
微暝。歸來殘酒朦朧醒。瘦馬吟鞭踏碎垂楊影。

東風
張雲錦

東風太劣梨花吹墮渾如雪。錢唐門外山重疊。垂柳
多情莫遣行人折。別來何事音書絕。樓高唯聽簫
聲咽。夜深杜宇啼紅血。隱隱珠簾透過花梢月。

歡會
佟世南

畫樓燈滅輕開繡戶簾低揭。遶堦緩步蒼苔滑。芍藥

東白堂詩選
欄邊縮了同心結。半覆羅襦鬆寶祿。綠莎如繡鴛
衾疊。檀郎頻覷羞雙頰。那得輕雲暫掩枝頭月。

梅花引

旅懷

劉基

晚雲凝。晚雲橫。煙草茫茫雲樹平。杜鵑聲。不堪聽。別
淚暗傾。良宵空月明。冰蠶絲斷琅玕折。湘妃竹死
青冥裂。短長亭。幾千程。歸計未成。愁隨江水生。

舟行

李天馥

晚煙濃。晚波紅。彩鷁牙檣趁好風。任西東。任西東。萬

頃茫茫。晴潮漾碧空。醉持大斗邀明月。笑垂長釣
擬龍穴。訪仙踪。訪仙踪。遙泝流光羣山轉鏡中。

東白堂詞選初集卷之六

三韓佟世南梅岑選

大滌陸進蓋思定

西陵張星耀砥中

吳閻尤侗展成闕

小令

踏莎行

失題

劉基

雨過山明。烟生春媚。佳人初把羅衫試。玉驄嘶入柳

東白堂詩選
陰中濛濛淡日蒸。花氣入簾幕低垂。闌干獨倚一池春浪。魚鱗起暮寒寂寞。掩重門。怕人問道歸期未。

春去

劉基

冷雨籠晨。淒風催晚。杜鵑哀怨黃鶯嬾。蛛絲柳絮總輕狂。可憐春去無人管。碧草連天。青山遮眼。側身四望腸千斷。愁如溪水暫時平。雨聲一夜依然滿。

咏遊絲

劉基

弱不勝烟。嬌難着雨。如何縮得春光住。甫能振迅入雲霄。又還旖旎隨風去。高拂樓臺。低粘花絮。如狂

似醉無歸處。黃蜂粉蝶莫輕盈。也應未敢窺芳樹。

春寒閨思

陳子龍

墻柳黃深。庭蘭紅吐。東風着意催寒去。迴廊寂寂綉簾垂。殘梅落盡青苔路。綺閣焚香。閒堦微步。羅衣料峭鶯啼暮。幾番冰雪待春來。春來又是愁人處。

春寒閨恨

宋徵輿

錦幔銷香。翠屏生雨。粧成漫倚紗窓住。一雙青雀到空庭。梅花自落無人處。回首天涯。歸期又悞。羅衣不耐東風舞。垂楊枝上月華生。可憐獨上銀床去。

送春

亂綠迷烟。殘英墜雨。東君不肯留春住。問春尚未到。天涯玉驄只索花邊去。羅襪凝香紅茵沾絮。春歸料是春來處。黃鸝強要訴花愁。夕陽催上相思樹。

冬懷

李昌垣

翠幕烟沉。珠簾月小。枝頭未雪梅開早。凭闌無計遣新愁。亂鴉飛盡歸鴻杳。霜杵敲寒。風燈破曉。漏聲滴盡鐘聲悄。香殘酒醒不成眠。流蘇好夢天涯少。

寄曾道扶魏子存

王士禛

芳樹秦城。春流蜀棧。蠶叢西望愁無限。銅梁閣外杜鵑啼。嘉陵江上行人飯。遠道縈紆。春光婉婉。錦江魚杳淮南鴈。去時楊柳不勝鴉。青青又滿隋河岸。

秦淮清明

王士禛

烟雨清明。烟花上巳。樓臺四百南朝寺。水邊多少麗人行。秦淮簾幕長干市。驀地愁來。干卿何事。梁城故跡銷魂死。禁烟時節落花朝。東風芳草含情思。

和雲間諸公春寒閨怨

王士禛

芍藥紅酣。薜蘿蕪碧聚。羅幃難把春寒護。知他何處送

東白堂詩選
愁來春來却是愁來路。鶯燕多情芳菲易度。纔消
幾陣黃昏雨。朝來不忍捲簾看。落花片片亂人去。

秋獵

馮雲驥

野曠騎鷹草深逸兔。戰場射獵堪懷古。千年老樹倚
風吟。一行白鴈翻雲去。馬邑荒城龍堆野路。殘兵
落落孤墩任徘徊。倚劍弔秋雲。彎弓射虎人何處。

落葉

魏坤

宿鳥頻驚林無靜樹。小樓一夜疑風雨。不知新月澗
邊生。蕭蕭影暗前溪路。乍響還沉欲飛偏聚。涼颼

漸入秋聲賦。淒清曾向御溝流。而今宮怨憑誰訴。

春暮

彭孫遹

鶯擲金梭。柳拋翠縷。盈盈嬌眼慵難舉。落花一夜嫁
東風。無情蜂蝶輕相許。尺五樓臺秋千笑語。青鞋
濕透胭脂雨。流波千里送春歸。棠梨開盡愁無主。

寫情

毛先舒

淡艷朦朧。非烟非霧。梨花片片如吹絮。瑤臺月冷畫
屏深。箇中幽夢來還去。綠遍池塘。那堪日暮。疎風
約雨萍開聚。門邊猶見柳藏鴉。舊時竚立銷魂處。

村女

淺碧藏鳩亂雲吹絮疎疎幾陣催花雨小橋一帶種
桃花花邊便是兒家住近水湘簾幾重春霧鷓鴣
聲裏人何處月明偷出浣溪紗笑將花影同歸去

春望

陌柳飄綿園梨糝雪紅亭綠酒人離別春光不是別
離時別離偏向春時節舊夢無痕新愁似結亂鴉
啼處山千疊漁燈點點隔江明蘋絲帶雨波聲咽

旅懷

旅懷

旅懷

曲澗分流危橋纍石松風到處添蕭瑟青山不改舊
時容羈人未老頭先白短劍蒙塵長歌當泣飄零
偏自傷疇昔夕陽影裏噪歸鴉亂烟荒草愁如織

夜思

徐士俊

采采蒼葭茫茫白芷荒村歷亂砧聲起啼螿已是不
堪聞哀鴻又渡西江水漏滴銅龍書裁金鯉淒風
刮碎離人耳燈前淚落耿無眠此時露濕芙蓉裏

咏蟋蟀

趙炎

壁月初低銀缸欲滅天涯枕畔聲如咽新愁舊恨一

東白堂詩選
重重勞他細向西風說。瑟瑟蕭蕭。淒淒切切。如何
徹夜無休歇。半江紅樹滿天霜。山亭野館。催人別。

春閨

王庭

曲徑迷苔。小池明練。春風誤入深深院。飛來多半是
桃花。却教相見羞人面。怨徹銀箏。香消金鈿。池邊
故故飛雙燕。愁來只自倚樓看。闌干十二思量遍。

臯亭看桃花

章炳

一葉輕舟。數聲柔櫓。危橋疑有紅雲護。高歌隨意泊
花邊。花邊恰是鶉啼處。玉剪斜飛。金衣低舞。臯亭

不比天台路。前溪有女泛胡麻。莫教又似劉郎誤。

夢歸

俞公毅

牖下蟲鳴。床頭鼠跳。月當雲處風留照。朦朧一霎過
南湖。夢歸不似人歸杳。銀甲彈箏。玉纖鬪草。溫柔
鄉裏邯鄲道。被窩漸漸冷疑水。五更故作霜天曉。

春情

卓天寅

日映紅窓。烟霏碧樹。恹恹長晝渾難度。曉風和淚捲
珠簾。一雙燕子花間去。底事凝眸。無端獨語。春光
欲暮誰爲主。畫屏風上認伊家。小橋垂柳江南路。

春恨

積雨埋紅。沉烟漾碧。小樓春信催寒食。踏青闌草總無心。自家憔悴誰憐惜。枉裂香羅。虛勞黛筆。東風笑殺多情客。瑤琴原不是知音。一床夜月吹羌笛。

憶舊

楊之順

紅葉重簾。黃花深院。傳情猶記回嬌眼。夕陽樓上倚朱闌。西風吹冷臙脂面。鏡影分鸞。釵梁折燕。何時得與重相見。除非夢裏好相逢。醒來依舊天涯遠。

冬曉

梁允植

淡霧薰晴。疎風作雨。片雲只傍吳山住。西陵萬戶上炊烟。飛鴉啼破冥濛去。細草呈芒。早梅吐絮。東君慣識藏春處。溶溶鏡雪照漁蓑。小舟斜泊橋邊樹。

夜懷

張振孫

淡月迷烟。寒花浥露。黃昏時候愁無數。縱然不為有情人。也因尋箇相思處。竹影搖窓。鴉聲鬧樹。今宵那更成虛度。粉香花煖玉樓深。夢魂須倩風吹去。

葛園感舊

沈叔培

小澗橫流。亂峰如簇。垂楊盡處青帘矗。重來不記舊

東白堂詩選
遊踪園林烟草空凝綠。日落銀塘春殘金谷登臨
容易傷心目。落花流水送年華有人曾倚闌干曲。

秋夜

沈自炳

玉冷粧臺香銷鴛被。雀釵斜壓雲鬟墜。桂花睡醒綉
簾風月痕尙照闌干字。幽夢沉沉蘭燈飄穗。秋江
露染芙蓉醉聲聲蕉雨幾聲秋。斷魂十二巫山翠。

春閨

俞士彪

菱鑑蒙塵蘭膏瀉淚。今春諳盡愁滋味。堦前開了合
歡花床頭疊起鴛鴦被。芳草無情東風有意。朦朧

淡月簾垂地。子規不去喚人歸。三更故覺銀屏睡。

送春宴集

沈聖昭

細雨簾櫳香泥襪初。登樓怕見薜蘿道。迎春幾日送
春歸。君須且住青樽倒。掩袖悲吟憑欄獨笑。要歸
何似休來好。網絲沾絮燕啣花。可憐留得春多少。

春情

汪鶴孫

草色多齊鶯聲無力。閒宵風景偏岑寂。春歸莫更强
留春。東風一任飛花白。慵整鴛衾漫憑燕翼。愁容
恰稱燈兒黑。千回轉側夢初成。隔牆誰把紅牙拍。

勝常

趙瑜

雙頰含羞。纖腰頰裊。背人悄把勝常道。幾回欲近更遲疑。凭欄且聽啼花鳥。綠醕淋漓。清歌縹緲。當筵日落人歸早。紫騮嘶過綠楊堤。小樓依約流雲遶。

錢塘懷古

王武功

斷岸烟荒。孤城日暮。紛紛落葉隨風舞。青燐白草鳳凰山。南朝舊是繁華處。誰伴登高。自傷弔古。閒愁不逐江流去。月明寂寞管弦聲。寒潮夜夜錢塘渡。

客懷

徐昌薇

玉宇風清。銀河影碧。筵前低問今何夕。自憐身是異鄉人。紅衫舞罷青衫濕。倦眼模糊。柔腸悽戚。金尊不醉能愁客。月殘人散亂烏啼。捲簾又是天將白。

雨花臺有感

吳棠禎

錦石雲封。丹臺沙聚。遊人指點南朝路。而今俠客打圍場。當年蕭帝聽經處。草沒銅駝。窓寒玉女。秋聲一片傷心雨。惟餘遠寺佛樓燈。夜深半照宮門樹。

思歸

洪雲來

風撼晶簾。沙堆繡戶。春光此地成虛度。燕山都是馬

嘶聲月中何處聽。簫鼓縱有珠歌，便多翠舞。夢魂只向家園去，迷離烟樹，帶斜陽、畫屏山上。江南路。

東墻

佟世南

接柳風輕。抹苾烟淡。微聞香氣來天半。粉香一帶是。銀河彩雲捧出芙蓉面。惹得蜂迷頓。教蝶戀。輕輕語笑聲將遠。秋千猶自架。花叢殘紅寂寂。飛庭院。

怨別

張星耀

別又難分。留還不住。今宵斷送人何處。頻揩淚眼問。青山閒雲飛去。渾無語。重會何期。相逢莫據。此時

方信離情苦。寒烟衰草望無窮。瀟瀟暮雨。局朱戶。

紅窓迥

美人春睡

王暉

悶懨懨。渾似醉。雙鬟鞞綉枕。強捱。因循一會。夢繞珍珠簾內。被鶯聲喚起。問道斜陽。可曾落未。只見侍兒回道。月兒上矣。悄無言。冷清清地。捲被兒。又睡。

小重山

憶惜

陳子龍

曉日重簾掛玉鈎。鳳凰臺上客。憶同遊。笙歌如夢倚

無愁長江水。偏是愛東流。荒草思悠悠。宮花飛不盡。覆芳洲。臨春非復舊粧樓。樓頭月波上。對揚州。

重至金陵

龔鼎孳

長板橋頭碧浪柔。幾年江表夢。恰同遊。雙蘭又放小簾鉤。流鶯熟。嗔喚一低頭。花落後庭秋。蔣陵烟樹下。有人愁。玉簫凭倚。賸風流。烏衣燕。飛入舊紅樓。

金陵懷古

宋徵輿

春流半繞鳳凰臺。十年花月夜。泛金杯。玉簫嗚咽。畫船開。清風起。移燭上秦淮。客夢五更迴。清砧吟塞。

鴈。度江來。景陽碧井斷蒼苔。無人處。秋雨落宮槐。

美人

王宗蔚

風動琅玕羅袖輕。紫鸞初繡罷。悄中庭。鳳釵微墮。玉波橫。雙鬟影。斜映月華明。香閣晚雲生。海棠春夢斷。訴流鶯。烟籠碧樹澹金屏。無情緒。隨意理銀箏。

春閨

張淵懿

日染花枝露欲收。輕攏殘鬢影。不梳頭。曉風吹燕出紅樓。歌翠羽。閒語待簾鉤。無計送離愁。闌干窻遍倚。幾時休。烟波搖蕩渡前舟。楊柳外。春浪拍天浮。

金陵懷古

尤侗

依舊青山繞建康。南朝佳麗地。草茫茫。景陽脂井冷。
銀床。秦淮月。猶照故宮牆。弔古石頭岡。大江流日。
夜幾興亡。鷄籠鼠雀滿祠堂。君莫問。策蹇下斜陽。

桂花

嚴繩孫

一夜檀心怨廣寒。西風吹不盡。小窻間。漢宮黃額畫。
應難。珠簾捲。惆悵夕陽山。可記曉粧殘。有人親插。
與鬢雲邊。露華依舊濕闌干。何曾是寂寞。淚珠彈。
八月初九日風雨寒甚晝眠有作

沈謙

江上秋濤捲黑雲。朦朧天未曉。雨翻盆。棘闌燈火正。
紛紛。青衫濕。都是舊啼痕。衰鬢已如銀。久將年少。
事讓他人。午鷄啼過不開門。風太緊。擁被惜餘溫。

惜春

蔣會貞

無數遊絲裊碧空。飛飛雙燕子。入簾櫳。桃花如雨夕。
陽中風定處。芳草襯殘紅。何事最愁儂。留春春不。
住。小眉峰。輕寒不覺減香筒。人去後。長自倚薰籠。

無題

毛銜

麥。壠。青。青。菜。壠。黃。野。棠。花。滿。路。日。初。長。誰。家。女。伴。鬪。
新。粧。蜂。來。往。刺。得。口。脂。香。三。五。映。垂。楊。見。人。還。却。
步。背。方。塘。小。姑。不。解。斷。人。腸。看。花。落。又。看。浴。鴛。鴦。

春情

沈游

日。暖。風。和。人。困。時。閒。庭。芳。草。綠。燕。交。飛。紛。紛。桃。李。鬪。
芳。姿。朱。簾。捲。花。影。上。堦。遲。別。恨。鎖。雙。眉。怨。春。春。又。
去。病。難。支。魚。書。蝶。夢。幾。曾。歸。空。相。憶。門。外。杜。鵑。啼。

維揚懷古

姜培穎

隋。苑。春。深。燕。語。柔。柳。絲。牽。鳳。舸。客。來。遊。烟。花。如。錦。月。

如。鈞。笙。歌。沸。二。十。四。橋。頭。往。事。已。千。秋。而。今。憑。眺。
處。不。勝。愁。邗。溝。依。舊。向。東。流。人。影。靜。烟。草。舊。迷。樓。

檻車自述

佟卜年

易。水。蕭。蕭。撲。面。風。放。閒。應。不。許。怪。征。鴻。擬。將。忠。節。比。
龍。逢。愁。無。限。誰。與。問。蒼。穹。鳳。閣。暗。雲。封。九。重。原。咫。
尺。路。難。通。南。冠。空。自。泣。途。窮。頻。搔。首。盼。殺。曙。光。紅。

重遊虎丘

梁天植

七。里。山。塘。碧。浪。柔。滿。空。香。霧。繞。濕。蘭。舟。千。人。石。畔。惱。
輕。謳。斜。陽。裏。綠。樹。掩。朱。樓。鶴。澗。俯。滄。洲。輓。轡。雙。井。

東白堂詞選

斷白雲浮。旗亭買醉任風流。難消受。名勝此重遊。

秋夜

陸次雲

風急江頭鴈陣回。夜闌眠未穩。捲簾幃。窺簾新月曲如眉。清露濕。樓鳥度花枝。何事苦分離。夢魂飛不到。小樓西。秋來還是日長時。愁似我也。索要支持。

見月

黃堦

明月無因獨自看。碧空雲斂盡。衆星繁。夜深猶憶共憑闌。徘徊久。清露滴階寒。生怕客衣單。隨他雙眼斷。只心酸。忽驚猿鶴響林端。長嘯起。渾不似人間。

金陵步芝麓韻

鄧漢儀

淮水橫拖柳線柔。曾聞簫鼓夜。美人遊。一從好事斷香鈎。西窓月不肯勸梳頭。黃雨更深秋。怎禁桐葉下一聲愁。寒潮依舊遶城流。無人處。私倚闌江樓。

過瓜步驛

張戩

浪跡年年嘆未收。重過瓜步驛。憶同遊。垂楊何處繫扁舟。長江水。依舊向東流。寂寞轉添愁。閒鷗隨浪影。自悠悠。斜陽盡處遠山浮。西風裏。無數蓼花秋。

和湘真詞

王士禎

東白堂詩選
行雲如夢雨如塵。秣陵惆悵事最銷魂。當年瓊樹照臨春。胭脂井猶帶落花痕。芳艸碧氤氳。舊時朱雀桁。幾回新青溪。休賽蔣侯神。風景換紅泪上羅巾。

月夜集陸蓋思巢青閣 王暉

月照銀屏薄霧收。風從花裏過。暗香浮。明河耿耿向西流。螢暗度。樹影小庭幽。清泪閣雙眸。十年無限事在心頭。霜華點點鬢邊稠。簫聲咽。吹破碧雲秋。

秋閨 王暉

繞岸殘荷怯曉霜。橫空三四點。雁南翔。輕陰細雨做

重陽佳期阻。羞見菊花黃。錦砌亂寒螿。黃昏人獨立。轉情傷。西風吹冷入空房。梧桐葉寂寞打銀床。

送張砥中北上 高式青

雲樹蒼茫日欲昏。不須斟別酒。已消魂。大江滾滾浪如銀。扁舟去。一葉渺無痕。何事便輕分。西湖秋色好。桂花新。題詩應念舊同羣。京華路。十丈馬頭塵。

過萬松嶺 沈漳

城上斜陽畫角催。接天秋水濶。碧雲開。涼風昨夜自西來。蘆花老。飛雪捲成堆。憑眺獨傷懷。舊時王謝

宅滿蒿萊興亡不盡古今哀荒臺下寂寞晚潮迴

為柳亭悼亡姬

仲九章

杜宇啼殘午夜風流蘇垂繡帳曉來空菱花鏡子影
融融粧臺畔不照舊芳容少小獨情鍾風波無限
事得重逢鴛鴦夢醒太匆匆魂斷處枕上一聲鐘

金陵懷古

狄循和

城闕逶迤綠樹濃寒烟迷蔓艸舊離宮一聲敲斷景
陽鐘興亡恨都在夕陽中欲問昔遊踪新亭還獨
上泪何窮寂寥誰與訴情踪南來雁歷歷叫秋風

湖上

汪天揚

湖上風流說大蘇六橋花柳地半荒蕪倚闌憑吊喚
提壺流可掬不用一錢沽山外月明孤松聲吹不
斷晚鐘疎沙平浪靜浴雙鳧風過處雲氣上浮屠

贈鶯兒

潘睿隆

生怪鶯兒不解情鶯黃纏半臂最輕盈當年曾記換
黃庭畱尚在少小早聞名酒罷嬾調笙妬他雙影
子滅銀燈愛花却又為花憎裙帶上飛立小蜻蜓

無題

吳棠禎

青粉墻頭白板扉。石橋垂柳下。百花溪。一行銀蒜壓
簾低。無人到。苔蘚沒香泥。紫馬未曾嘶。王孫歸路
遠。草萋萋。東風吹雨。伯勞啼。殘燈影。金剪且裁衣。
同洪茂公錢右玉泛湖 張宇泰

滿把金壺載玉醪。呼朋携手去。出東郊。綠楊堤外泛
蘭橈。隨波蕩。山逐翠屏搖。忽見畫樓高。教人聽不
厭。弄瓊簫。碧天片片。綵雲飄。遲回久。新月上花梢。

和友人春閨

王修玉

池館芳菲綠樹濃。鷓鴣雙浴水。入花叢。湘簾低挂玉

堂空閒。憑檻人在畫橋東。樓上柳龍葱。春山芳草
外。兩三重。當年春恨與誰同。今依舊。愁鎖小眉峰。

送別

仲恒

尚有啼鴉勸路人。不如歸去好。語殷殷。恠伊今又渡
河汾。匆匆去。半語未溫存。可惜恁青春。歸期渾未
定。暗銷魂。水邊無處覓遊鱗。波如鏡。照見黛眉顰。

春閨

錢來修

銀蒜低垂紫玉鈎。鴛鴦春睡暖。燭光浮。催花風急燕
聲柔。青鬢亂。斜墮玉搔頭。密意鎖雙眸。別離猶未

東白堂詩選
說。泪。先。流。博。山。香。裊。畫。屏。幽。分。手。處。樓。外。晚。雲。稠。

秋閨

陳景鏊

風。雨。蕭。條。庭。院。幽。籬。邊。黃。菊。綻。似。含。愁。闌。干。倚。遍。恨
悠。悠。人。倦。矣。欲。睡。又。還。休。望。裏。白。雲。浮。征。鴻。歸。信
杳。泪。空。流。幾。回。怕。上。小。紅。樓。徘徊。久。葉。落。萬。山。秋。

秋夜聞搗箏

陸曾禹

幾。點。疎。星。映。遠。汀。畫。船。窻。榻。裏。漏。紅。燈。有。人。獨。坐。理
銀。箏。蘆。花。岸。水。面。一。聲。鶯。露。洗。月。華。明。傷。心。秋。病
客。倚。蓬。聽。絃。絃。淒。楚。不。勝。情。凝。思。處。孤。枕。夢。牽。縈。

漁叟

陸浣

久。住。清。溪。銀。鴈。橋。水。紅。花。影。裏。繫。輕。舸。絲。綸。都。付。與
兒。曹。秋。風。起。冷。眼。看。波。濤。日。暮。懶。持。篙。任。他。鬚。髩
白。興。偏。豪。時。呼。斗。酒。把。雙。螯。歌。一。曲。歷。歷。衆。星。高。

同諸子集王綏山蛛隱亭

佟世南

日。暖。池。塘。春。草。齊。杜。鵑。花。影。外。杜。鵑。啼。小。亭。西。畔。夕
陽。低。新。雨。過。山。翠。欲。沾。衣。滿。眼。舊。相。知。客。邊。重。此
會。共。傳。杯。更。闌。莫。惜。醉。如。泥。東。風。裏。千。點。落。花。飛。

臨江仙

東白堂詩選
秋江歸隱圖

陳 霆

菰米炊香鱸入饌。吳淞景屬三秋。長江潮上水雲浮。
好風如箭。天際送歸舟。回首功名成一夢。歸來松
菊應羞。何人相候坐沙頭。平林暝處。鴉背夕陽收。

春暮

陳 霆

落盡櫻桃春事減。小園蜂蝶依依。子規啼罷月沉西。
曲屏向曉。殘燭淚空垂。樓外綠蕪千里道。長亭過
騎頻嘶。一春無信慰相思。重門寂寞。風雨過花時。

咏柳

陳 霆

不見西湖堤畔柳。弄晴十里依依。暖風吹動綠烟絲。
侶同蘇小。雙舞鬪腰肢。憶昔六橋經鳳輦。花飛欲
暗龍池。畫船維處恣遊嬉。斜陽烟靄。誰管斷腸時。

其二

陳 霆

不見章臺街上柳。纖纖初畫雙眉。輕盈阿那惹遊絲。
少年走馬。花酒戀芳菲。千里心期歸較晚。長條不
似前時。東風似與解相思。多情時遣。飛絮點春衣。

閨情

陳雲武

開到薔薇春事老。落紅堆滿閒庭。無聊終日倚銀屏。

蝶慵鶯懶。匝地草青青。小院夜深人靜後。團團月更分明。隔樓誰送洞簫聲。銀河清淺。長自隔雙星。

湖上曉行

梁允植

薄暮冥濛。殘月歛城頭。一片鴉聲。寒拖烟縷。水波明。纔開海曙。幾朵紫霞生。柳岸輕塵衰草露。霜蹄小隊行旌。青螺髻外白雲平。凋荷飄漾。欵乃一舟橫。

有感

蔣平階

禁苑花殘。春殿閉。玉階芳草萋萋。露華空灑。侍臣衣。景陽鐘斷。愁絕夢回時。客裏杜鵑歸不去。一春常

自孤飛。數聲啼上萬年枝。似將幽恨說與路人知。

姑蘇懷古

毛 甡

高閣近花紅影合。繞床還種青梧。西施嬌小似無夫。黃金梯滑。不見有人扶。菱葉菱根遮浦暗。含情但採菖蒲。金閨門外夜啼烏。女墳前去。寒燭照東湖。

無題

毛 甡

澧浦紅蘭催日暮。美人倚徙空亭。幽巖春竹雨冥冥。長思公子。愁絕翠雲屏。碧水尚傳瑤瑟怨。枵枵夜鼓湘靈。蒼梧南去晚山青。楚江遷客。憔悴不堪聽。

除夕

李式玉

歲暮長淮流水凍。蕭蕭雪打寒窓。客中風物已淒涼。
况逢除夕。頓覺鬢毛蒼。鄉夢不知歸路遠。夜深直
到錢塘。管絃燈火臘梅香。錦屏翠幄。人醉鬱金堂。

憶昔

丁惟介

憶昔朱門同抱瑟。西風吹散晨星。天涯鷗鷺有新盟。
莫嫌飄泊。相對足平生。萬里誰憐留滯客。小樓聽
盡春聲。垂楊垂柳繫離情。樹深烟暝。處處嘯流鶯。

廣陵留別諸同人

邵錫申

共向瓊枝花下飲。清歌唱出離愁。隋宮螢火至今流。
珠簾翠檻。依舊錦帆舟。此去征車燕市客。自憐何
事依劉。秋風秋雨怕登樓。南雲不斷。烟樹隔揚州。

贈琵琶妓

仲九章

客裏匆匆纔一晤。離情欲語仍含。琵琶新調為重拈。
却憐弦索長。得近春纖。須信少年行樂好。自羞白
髮鬢鬢。曲殘銀月下虛檐。不知雙淚點。點濕青衫。

舊雨齋看水芍藥

羅坤

屈曲瑤闌深院靜。吹來香霧迷濛。春酣妃子未惺忪。

東白堂詩選
猩紅鳳紫。嬌影上簾櫳。亭館謝家猶未改。我來舊
雨堂中。筆牀書卷。蔭脩桐。名花相對。肯放酒杯空。

無題

柳 葵

不解沈郎因甚瘦。年年只被情迷。乍晴乍雨阻歸期。
鶯憐花老。着意向春啼。自笑柔腸能幾寸。偏容萬
斛愁思。寂寥最是酒醒時。依依月影。伴我過橋西。

月夜小集時砥中將北行

錢來脩

明月滿庭清似水。梧桐露點珠凝。良朋促坐酒頻傾。
涼風拂袖。湘簟細波生。顧影頭顱俱老大。十年書

劍無成。他時重會已難憑。南鴻北鴈。誰是不飄零。

湖上

錢來脩

薄霧輕籠堤畔柳。湖邊翠影模糊。紅樓日映畫簾疎。
鏡中青鬢。零亂未曾梳。夢裏彩雲無處覓。倚闌目
斷征途。落花飄散曉風初。玉驄不見。春色滿平蕪。

夜聽琵琶

王熹儒

螢火光微踈樹暗。夜寒滿地霜華。誰家燈下弄琵琶。
十三橋女。細語隔窻紗。慢撚輕攏猶未歇。西風落
葉啼鴉。聲聲彈落小梅花。淒清孤館。無夢到天涯。

月夜聞笙

王樞

月照紗幮明似雪。柳梢暗墜流螢。青團扇子撲還停。
玉階風細。枕簟嫩涼生。扶倦欲眠眠不得。誰家樓
上吹笙。蒼苔點點露痕凝。闌干倚處。樓角看移星。

秋閨

吳粉

天外銀蟾看欲起。一勾斜照。翠眉新愁。已是困腰支。
夾衣涼沁。不住晚風吹。真箇黃花如我瘦。垂垂低
顫柔枝。幾回無語獨凝思。一聲腸斷。哀鴈過樓西。

憶舊

沈豐垣

積雨不知春信杳。晚風斜日初晴。強將樽酒博微醒。
香添寶鴨。夜色又催更。重憶夢中相對處。玉纖教
撥銀箏。一聲啼鳥太無情。花深朱戶。來去未分明。

錢石臣女週歲

沈豐垣

襁褓未離能笑語。寧馨不羨男兒。謝家庭院舊知詩。
欲傳錦字。伊軋聽鳴機。入夏碧荷香習習。漸看樹
影流輝。應知生女作門楣。亭亭秀色。風顫百花衣。

悼蘭

邵斯揚

怪道昨宵三鼓後。小窓綃帳生寒。起來無力理雲鬟。

閒將花數。露折一枝蘭。記得湘江初紉佩。柔條嫩
蕊娟娟。迷茫一水隔輕烟。幽香微度。惆悵晚風前。

曉閨

高式青

聽徹啼鶉。眠不得。起來強自凝眸。湘簾花外。控銀鈎。
驀驚呼喚。婢子促梳頭。惆悵韶光容易改。可憐對
鏡還羞。一絲青髮。一絲愁。玉釵慵插。香凍翠雲油。

客東江懷同人

王有尙

十載等身書讀盡。那堪塵漬征裘。旗亭花草淡烟浮。
西風吹冷。細雨做新秋。憶昔六橋携手處。斷霞衰

柳盈眸。尋思幾度賦登樓。數行哀鴈。又動旅人愁。

夜懷

潘雲赤

樓外濕雲低欲墜。捲簾無奈西風。搖搖寒夜一燈紅。
亂蕉疎竹。併入雨聲中。玉漏將殘人不見。佳期多
少成空。倦來不敢卸金蟲。暗垂清泪。獨自倚熏籠。

登韜光菴感舊

陸進

記得當時曾坐此。於今三十三年。重來徙倚小樓前。
青山髣髴。蔓草鎖寒烟。古寺荒涼風景異。老僧雖
在頽然。流光荏苒鬢毛斑。斜陽影裏。寂寞杖藜還。

賀友人合卺

陸進

樓上鳳簫吹夜月。偷看柳弱花嬌。彩雲低亞拂紅綃。
三星已燦一笑可曾邀。八咏樓前春正好。才華可
似題橋。撩人燭影在今宵。梨雲夢破眉。畫碧山遙。

憶舊

張星耀

記得綠紗窓下飲。花梢月似眉痕。鶯聲啞啞吐朱唇。
珍珠簾捲。風裏滾香塵。須信洞天行樂好。羅襦何
事輕分。仙源深杳慣迷人。不須重到。回首卽烟雲。

東白堂詞選初集卷之七

三韓佟世南梅岑選

大滌陸進蓋思定

西陵張星耀砥中

荆水陳維崧其年閱

中調

臨江仙

春景

陳謀道

春到江南芳草綠。垂楊搖曳池塘。畫樓遲日照新粧。

東白堂詩選
半簾花霧濕。十里燕泥香。倚遍闌干人未至。數枝紅杏斜陽。錦帆何日下瀟湘。情隨流水遠。夢逐曉雲長。

憶舊

張 縉

十里紅樓依綠水。當年多少風流。高城重上使人愁。遠山將落日。依舊上簾鉤。一曲琵琶思往事。青衫淚滿江州。訪鄰休問杜家秋。寒烟沙外鳥。殘雪渡傍舟。

五更

陳子龍

西風料峭黃花暮。斜陽一角紅樓。羅衣添得又還休。銀蟾寒指甲。寶鴨暖藏鈎。忽憶軟金杯自捧。重携殘燭淹留。於今玉漏漫悠悠。不知千里夢。無奈五更愁。

春暮

孫序皇

幾處重門依舊鎖。今朝春去無踪。去年紫燕乍相逢。客留芳草外。腸斷夕陽中。憶別草堂梅未發。歸來滿徑舒紅。看看開遍牡丹叢。半窓催綠雨。一夜落花風。

秋懷

宋徵輿

春暮幾時秋。又暮。年年月月朝朝。帶圍不認舊時腰。
西風還有意。偏傍鬢雲飄。昨夜依稀三五滿。誰人
憐得清宵。銀蟾當日慣相邀。祇今愁絕處。寒雨泣芭
蕉。

小春

宋徵輿

紅葉落時秋盡也。空山千里雲平。人烟幾點亂天晴。
一灣流水急。半壁夕陽明。月滿枯林霜滿地。西風
過處無聲。碧雲樓上坐調箏。冰弦嬌火鳳。玉指放春

鶯

遣信

彭孫通

青瑣餘烟猶在握。幾年香冷巾幘。此生為客幾時休。
殷勤江上鯉。清淚濕書郵。欲向鏡中扶柳鬢。鬢絲
知為誰秋。春陰漠漠鎖層樓。斜陽如弱水。只管向西
流。

姑蘇懷古

彭孫通

千載霸圖銷歇也。西風廢苑長洲。吳東門外一江秋。
賸將亡國恨。不盡古今流。臺上鷓鴣臺下鹿。興亡

東白堂詩選
轉盼都休。烟波空羨五湖遊。青山和綠水。遷換幾漁舟。

春恨

曹爾坊

一寸離愁無處說。憐他有酒難澆。江南烟水路。迢遙風流存鐵券。消息斷銀簫。漸覺相思成瘦減。柔腸拚過今宵。唯將幽恨問春潮。東流如可斷。便與一齊銷。

虎丘

嚴繩孫

試問吳宮人去後。綺羅多少。星霜一聲。漁笛散橫塘。

虎丘今夜月猶爲照真娘。記得霓裳花底見。春嵐幾度思量。生公石上舊年芳。夜寒蓮漏永。清影似瀟湘。

無題

成德

昨夜箇人曾有約。嚴城玉漏三更。一鈎新月幾疎星。夜闌猶未寢。人靜鼠窺燈。原是瞿塘風間阻。錯教人恨無情。小闌干外寂無聲。幾回腸斷處。風動護花鈴。

夏景

華袞

十里芰荷香暗送。槐陰池館涼生。白團小扇惹風輕。
碧紗人靜悄。花氣壓釵橫。又是黃昏新月上。銀箏
斜抱閒行。空庭彈出斷腸聲。流螢飛四壁。清漏徹三
更。

渡江卽事

嚴曾渠

萬舸千艘喧徹夜。大江北望雲橫。曉來晴日照江城。
輕船先下瀨。簫鼓渡中泠。東望海天如杳靄。迎人
瓜步分明。何言相對百愁生。客情宜曠覽。水綠並山
青。

艷情

洪雲來

春酒三巡微醉矣。風前繡箔斜開。氤氳花氣繞粧臺。
琉璃屏上月。半映粉紅腮。翠被香濃春睡好。枕邊
橫墜瑤釵。朦朧私語似相偎。垂垂羅帳底。一對鳳頭
鞋。

湖上

陸鴻圖

十二橋頭春事早。花間試買屠蘇。小姬十五學當壚。
可憐垂素手。不慣數青蚨。踏碎殘紅隄路滑。杖頭
珍重葫蘆。東風吹雨過平蕪。欲尋蘇小墓。喚取玉人

扶

春暮訪法弘開士不遇

陳可先

落盡殘紅春未老。鶯花到處飄零。携筇纔自叩柴扃。
斷雲疎雨外。依約遠山青。曲徑平蕪鋪已遍。小梅
枝上初盈。主人飛錫掛江亭。蓮臺香裊裊。猶有未翻
經。

悼友

沈聖祥

牆外依然流水遶。庭前又是東風。昔年今日事難同。
墓門春雨過。碧草漸成叢。歎息玉樓徒作賦。何堪

綠綺塵封。酒壚惆悵碧樽空。月明吹笛罷。獨鶴唳長
松。

送別

陳仲永

携手長亭疎柳下。酒情詩興無聊。重提舊事暗魂銷。
驪歌催淚滴。別酒帶愁澆。斜日半林殘雨外。可憐
烟冷西郊。相依須解只今宵。明朝芳草路。不是杜家
橋。

送別

張星耀

翠管金樽畱不住。青山又送斜曛。長堤柳絮落紛紛。

東白堂詩選
紫騮嘶漸杳。朱戶掩黃昏。獨自燒香臨欲睡。無言
重搵啼痕。子規頻喚那堪聞。春花都作雨。曉夢不成
雲。

攤破醜奴兒

端午

徐士俊

鳴鈺伐鼓群飛楫。蹴起波聲。拿攫縱橫也。學年時吊
屈平也囉。吾與汝且杯傾。榴花蒲葉紛紅綠。風景
關情節序堪驚。誰更今時鬪麗英也囉。吾與汝且杯
傾。

蝶戀花

秋夜

張文宿

枕上舊情癡着想。玉漏沉沉。半歇方纔響。說道不愁
還自強。聲聲細雨梧桐上。懶爇篆烟熏繡帳。半壁
青燈。不敢回頭望。獨擁鴛衾翻翠浪。夜寒夢斷愁鷄
唱。

春閨

陳子龍

紫燕香泥歸畫棟。捲上簾鈎。楊柳籠烟重。窗外曉鶯
啼一弄。飛花只有東風送。錦瑟瑤琴都不動。倦倚

闌干白日耽幽夢。金鴨微溫紅袖擁。芙蓉半掩鞋頭鳳。

春曉

陳子龍

纔與五更春夢別。半醒簾櫳偷照人親切。簡點鳳鞋交半折。淚痕落鏡紅明滅。枝上流鶯啼不絕。故脫餘綿。忍耐寒時節。慵把玉釵輕綰結。恁移花影窓前歇。

偶見

陳子龍

裊裊花陰羅襪軟。無限芳心初與春消遣。小試嬌鶯

纔半轉。海棠枝上春風淺。一段行雲何處剪。掩過雕欄送影湘裙展。隔着亂紅人去遠。畫樓今夜珠簾捲。

落葉

宋徵輿

昨夜江南無數樹。帶月兼霜做了連宵雨。簌簌送他秋夢去。紅樓一枕斜陽暮。不寄天涯腸斷句。高下飄颻自向前溪舞。屋角窓前無定處。西風着力何時住。

曉別

宋徵輿

東白堂詩選
日影微微生遠浦。雙夢初醒。欵乃驚遙檣。幾度喚來
嬌不顧。淚珠點點輕輕度。眠穩玉床人自去。忽又
教回重見。分離苦。惟有相看無一語。人間天上。銷魂
處。

送春用趙栗夫韻

龔鼎孳

簾外遊絲飛去了。打疊閒愁。斷送啼鶯曉。一曲畫闌
銀月小。玳床人倦殘春杳。生怕金鈴催宿鳥。叫過
三更。月與花都少。斜倚博山幽恨悄。雙眉做就堆煩
惱。

宋荔裳觀察招飲觀劇次阮亭韻

梁清標

榆莢風清飄蜀纈。水漲銀塘。纔過清明節。絳蠟金樽
歌未歇。柳花檻外飛如雪。舊事甘陵翻數闕。今昔
關情。優孟真奇絕。絲管啁啾聲漸徹。魚龍波底搖殘
月。

恒陽署中齋次

王庭

別館人閒愁眺聽。幾曲門深鎖。任西風冷。留得方庭
天一頃。斜陽樹。樹添鴉影。墻外轆轤聞汲井。乞得

東白堂詩選
新泉夕爨分蕤茗。一縷烟生寒色暝。十年舊事心頭省。

春閨 關 鍵

日煖沙汀鴛對戲。薄倚欄干。釵落香雲膩。嗔怪鴟鬢分藉地。枕花不惜花魂碎。空外遊絲低復起。無賴黃鬚來往多粘繫。粉箔閒停尋箇事。憑看爛熳春光醉。

和漱玉詞 王士禛

涼夜沈沈花漏凍。欹枕無眠。漸聽荒鷄動。此際閒愁

郎不共。月移窻罅春寒重。憶共錦綉無半縫。郎似桐花。妾似桐花鳳。往事迢迢徒入夢。銀箏斷絕連珠弄。

和少游 王士禛

啼碎春光鶯燕語。一片花飛。又是天將暮。欲乞放晴春不許。黃昏更下廉纖雨。春去應知郎去處。好囑春光。共向郎邊去。畢竟春歸人獨住。淡烟芳草千重路。

和王嶧桐觀罌粟代友人作 陳之暹

東白堂詩選
人困羈愁清影瘦。記別燈前。又是端陽候。積雨庭堦
苔錯綉。閒看罌粟消長晝。欲聽艷歌樊素口。曲罷
魂消重執。摻摻手。此際還宜雙勸酒。花容歲歲寧長
久。

無題

嚴 沆

幾日棟花風不住。零落殘英。簾外飛還聚。慣向池塘
吹柳絮。遊絲也逐東西去。謝女剛吟腸斷句。一箇
黃鶯似共愁人語。槐葉空陰無意緒。黃昏又值纖纖
雨。

宋荔裳觀察招同梁大司農龔大宗伯王西
樵阮亭諸先生爲園觀劇達曙

汪懋麟

嫩蕊陰濃繁似纈。曲水池塘。漸逼清和節。鶯語歌喉
相間歇。落花驚墜飄紅雪。再聽柔奴翻一闕。色比
芙蓉。畢竟稱雙絕。惜別晨鐘聲響徹。曉風吹暗。垂楊
月。

寒夜閨情

彭孫適

珠漏頻催冬夜永。寒月窺人。人在清虛境。十二屏山

東白堂詩選
湘水淨。淚寒枕畔紅冰凝。人聚殿紫茸風約定。半晌無聲似睡。依然醒。壁上餘燈金燼冷。帳紋細。裊沉烟影。

天宮無題

嚴繩孫

青鎖簾前人惜別。未許牽衣。較比牽衣切。一曲陽關初唱徹。相看本是明明月。宛轉征衣金粟尺。心字香溫。纖手流蘇結。夢裏彩雲留不得。西風吹過重陽節。

春閨

周季琬

樓外絲絲烟似織。無數梨花。芳草嘶金勒。羞看飛飛雙比翼。雲和欲奏冰絃澁。衫薄不堪寒意逼。誰弄輕陰。一片雲翻墨。往事低徊猶在臆。海棠開遍香無力。

良夜

黃永

庭院西風良夜靜。小小春光。拖逗紅梅醒。滿地霜華飄不定。空天排遍飛鴻影。往日相思閒記省。梵字雕闌。有箇人兒並。笑拍香肩呼不應。薄綿可耐黃昏冷。

贈佩刀

佟國器

蜀水初將孤鏢淬。闖遍人間。惟汝知吾耳。匣底不教
輕一試。霜紋點點。神龍淚。醉後悲歌聊把視。慘淡
英鋒已奪千人氣。月落青天星斗墜。寒光一片橫秋
水。

閨情

朱輅

十里西陵楊柳渡。紫陌風光。何事畱難住。借問落花
餘幾許。蒼苔點破前宵雨。兩兩鴛鴦沙上聚。無限
含情芳草王孫路。紅豆初開春漸暮。惱人最是相思

樹。

送春

丁澎

愁裏送春春莫誤。愁共春來。春去愁須去。難道春歸
無着處。愁邊便是春歸路。愁到而今春亦苦。交付
愁魔。不啻春無主。料得拋愁春不許。明年依舊和他
住。

夏夜

呂祚德

月倦星煩雲併赤。斜掩紗窠。無箇涼風入。夜起當舷
眠不得。琅玕竹簟烘烘炙。斗帳鈎開人語寂。肌理

烟生何處容締絡。一斛真珠香汗滴。一堆軟玉嬌無力。

送別吳白樓

邊貢

亭上雨來人欲去。爲怕離聲不近芭蕉樹。芳草碧雲凝望處。願生雙翼誰能許。萬疊衷情那可訴。風柳如烟蕩漾絲千縷。白鴈嗷嗷江館暮。醉中愁見吳山路。

春暮有作

陳霆

燕子歸遲春去早。送盡東風。可惜楊花老。人道春來

情緒好。爭知春去添愁惱。花節鶯期都過了。梅子初肥。却是櫻桃小。一片綠陰樓外曉。關山在望。征人杳。

春閨

陳霆

門掩東風楊柳院。淺綠窳紗深映。宮粧面。隱約吳峰屏裏見。夢魂去繞江南遠。梁上飛來雙海燕。萬語千言。惹起情無限。點點落紅心事亂。捲簾無語傷春晚。

春閨

韓純玉

繡幙低垂深院靜。殢酒吟花。又是前春病。乍暖乍寒
渾不定。風風雨雨清明併。女伴相呼穿翠徑。小立
窓前。好待新粧竟。拭却紅綿重。照鏡旁人也道都相
稱。

閨思

張璣

一夜海棠花謝了。觸着閒愁。來得無分曉。眉鎖遠峰
雙黛小。粧臺撚筆還慵掃。窓外流鶯聲送巧。宛轉
枝頭。不管人煩惱。獨倚高樓思悄悄。天涯望斷王孫
草。

春曉

張璣

曉怯餘寒思假寐。陡上心來。底事成乖戾。暗想從前
人日裏。平明鴛枕留春睡。曉玉香生紅約臂。無限
嬌柔。宛轉憐人意。窓外日高猶未起。一簾花影鶯啼
碎。

泗州感舊

錢煥

憶昔嚴城專閫處。甲帳晨開。曾共吳山住。撚指滄桑
知幾度。蕭條只有西風路。往事沉吟寒欲互。嚶唳
哀鴻。似把興亡訴。灑酒問天天不顧。愁雲低盡殘陽

東白堂詩選

春恨

張綆

暮。新草池塘烟漠漠。一夜輕雷折破天桃萼。驟雨隔簾時一作餘寒猶泥羅衫薄。斜日高樓明錦幙。樓上佳人癡倚闌干角。心事不知緣底惡。對花珠泪雙雙落。

錦瑟

毛先舒

片雨飛來銀燭底。絮語呢喃聽著無頭尾。錦瑟旁邊人老矣。翠眉低處呼難起。人似杏花新雨霽。冷艷

如初小帶殘春意。珍重卿卿且記不。愁我不思量。你。

無題

吳復一

樓外白榆和露種。夜夜西風疎影搖清夢。脆竹橫秋閒一弄。銀河驚浪胭脂湧。衣拂霜華寒漸重。別有情懷難寄雙么鳳。回首紅塵迷玉洞。斷雲殘月將秋送。

春恨

金長輿

小雨幽窓天欲暮。閒看蜘蛛收盡絲千縷。不惜殷勤

重自做離情似我吞還吐。坐坐行行無處所。走下香階閒把花枝數。花也厭人情緒苦。紛紛飛過牆頭去。

客懷

沈家恒

一陣春風門早閉。羅帳燈昏日影紛紛碎。芍藥關西雙翡翠。背人宿在花叢內。客裏銷愁無過醉。醉到如泥只索和衣睡。夢醒還尋金約臂。牀前拖下紅綾被。

春歸

柳 葵

愁到春來春不語。愁在眉端春竟飄然去。可惜棠梨花幾樹。任他片片隨風舞。百尺遊絲難綰住。杜宇無情更有無情雨。悵望平蕪深幾許。和烟鋪就春歸路。

懷俞季璞客兗州

聶鼎元

我亦曾過東魯地。殿古城荒風攬黃沙細。衰草平原斜日墜。浮雲渺渺來天際。今日憶君留客邸。杜甫臺前誰會登臨意。扣劍悲歌人未醉。戍樓又早寒笳起。

春暮

沈三曾

風雨一天晴未得。芳草菲菲。早過清明節。多事東風吹不歇。梨花處處飄如雪。曉夢方濃誰喚急。却是呢喃。低向幽人說。無計留春春欲別。來年再問春消息。

春睡

洪雲來

陌上殘紅枝上絮。偏解春風。惱亂人愁緒。薄倖東風遮不住。枕邊吹落桃花雨。黯黯層樓天欲暮。深掩窓紗。怕見長亭路。芳草斜曛楊柳渡。夢魂慣向江南去。

去

秋閨

洪雲來

粧閣暗垂紅粉泪。點點青山。不鎖秋江水。自憶芳時花底事。枕邊一晌魂千里。風葉蕭蕭吹落砌。霜氣凄清。墜下蛩聲碎。夜永殘燈金粟墜。半床明月和愁睡。

無題

黃 廷

楊柳梢頭春又褪。弄雨拖烟。怕殺黃梅近。眉黛忽來前日恨。菱花羞對鴛鴦鬢。夢裏雙魚難借問。斷粉

東白堂詩選
殘紅已覺飄零盡。泪眼模糊何處認。東風只有相思分。

憶別

沈豐垣

纔得相逢春已暮。眼際眉邊。只是無情緒。怪底窺人鶯不語。綠楊枝上微微雨。着意尋春春又去。春在天涯。人却歸何處。一望青青迷遠樹。夕陽偏照長亭路。

憶昔

沈豐垣

憶昔相逢纔一笑。便自關情。不肯虛年少。春意漸增

人窈窕。夜深却把雲和抱。柳色籠蔥鶯欲覺。穿幕無聲。燕子身材小。未許花前窺月貌。羅裙只怪東風裊。

憶舊

顧有年

舊夢難將新夢續。錯信燈花。頻把佳期卜。爇帳濃香眠未熟。芭蕉雨滴渾如哭。遲却尋春悲杜牧。葉底啼鶉。催得春歸速。幾許閒愁眉上簇。瑤琴慣理相思曲。

閨怨

陳成永

人去粧樓春事歇。分付晶簾。休被東風揭。怕見花間
雙蛺蝶。笑人終日傷孤子。長日如絲難可絕。怎得
黃昏。睡了忘離別。纔到黃昏愁又結。窻紗一點窺人
月。

閨情

陸進

日上鶯啼人嬾起。瘦損腰肢。裙帶常拖地。遊子天涯
歸也未。楊花倒被晴絲繫。幾曲屏山閒自倚。殘夢
關心。惱殺催粧婢。及至粧成還去睡。紫騮嘶過平蕪
翠。

同友人遊靈隱寺

陳慈永

靈鷲岩。巖留古寺。挈伴登臨。一望橫蒼翠。亭下潺潺
杯渡水。峰頭歷歷蓮生蕊。十載浮名如夢裏。撲面
紅塵。不到花宮內。隱隱疎鐘敲未已。飛來峰外銀蟾
起。

離情

錢璜

楊柳絲絲攀漸少。不繫行人。還向長亭裊。一種離情
誰箇曉。平原落日看歸鳥。淥酒金樽堪醉倒。費盡
安排。無過歸家好。不惜容顏憔悴了。桃花但恐風吹

老

留別西水卓有枚卓火傳先生宋受谷張王

士張玉書卓次厚諸子俞士彪

乘興偶來西水畔。感得多賢執手頻。相挽此日交遊
天下滿。吾儕詩酒偏堪戀。不見祇愁相見晚。見了
輕分却又愁無限。秋水片帆行漸遠。蒼葭白露迷人
眼。

春病

俞士彪

烟徑凄迷生碧草。盼得春來却被春顛倒。寒食清明

都過了。乍晴乍雨成煩惱。鏡裏朱顏容易老。一段
閒愁轉怕人知道。昨夜小樓寒更峭。柳綿吹盡東風
曉。

春懷

俞士彪

忽暖忽寒晴又雨。天也如人直恁無憑據。郊上翠塵
隄上絮。夢魂迷却江南路。不忍再吟腸斷句。賺到
而今只有愁如許。獨倚危樓春欲暮。畫船猶自催歌
舞。

春情

沈聖昭

東白堂詩選
可恨東風全不管。燕語鶯啼。又是蜻蜓亂。飛絮落花
千萬片。遊絲百丈難羈絆。午夢醒時。拏錦幔。曾未
傷春漸覺。今年懶。酒渴待教鸚鵡喚。軟風入鬢。金鷺
顫。

初春

佟國瑛

羌笛數聲。殘夢曉。落盡江梅。都道春來早。病裏王孫
歸計杳。天涯客路多芳草。倩語蕭娘。珍重好。幾許
韶華。鏡裏朱顏老。莫使惜花人懊惱。陌頭惆悵。東風
暴。

客愁

徐昌薇

盡日茫茫。飛柳絮。池館淒涼。獨自閒凝竚。枝上杜鵑
啼不住。夕陽影裏微微雨。簾外春山。山外樹。一望
青青。迷却天涯路。多少閒愁無可訴。却看雙燕。啣花
舞。

夜懷

沈 漢

片刻相思人已老。濁酒三杯。銷得愁多少。獨坐無言
心似擣。滿階梧葉秋風掃。長夜悠悠貪睡早。明月
無端。故向床頭照。夢裏巫雲飛去了一聲。畫角霜天。

曉

春來

佟世南

不道春來偏困我。多少韶華。都向愁中過。窗外落紅嬌欲墮。枕前幽夢雲難鎖。雨泣孤燈人未臥。錦被寒生。寶鼎焙餘火。把酒破愁愁不破。今宵畢竟如何可。

曉行

佟世南

徹夜鄉心千萬縷。聽得驪駒嘶過村西路。纔唱隣鷄天未曙。僕夫抵死催人去。挂壁燈光寒不吐。上了

征車。更問沙河渡。一望前川迷曉霧。茫茫都是凝愁處。

莫春酬朱若始見過

佟世南

風裊柳絲烟弄碧。一箇啼鶉催得春歸疾。客裏襟懷誰解識。小窓坐看移紅日。晝永獸爐香篆息。門外停車。正喜來佳客。相對高談忘景夕。空堦莫問花狼藉。

春閨

張星耀

睡起怕將菱鏡照。兩點嬌蛾。藏得愁多少。落絮無聲

春悄悄。遊絲惹着空中裊。蝴蝶蜻蜓都去了一種。
閒情病得無分曉。蕩子不知春易老。天涯無數閒花
草。

閨情

張星耀

鎮日慊慊。渾似醉鏡裏愁多。怕掃雙螺翠。風冷玉闌
難久倚。平原落日烟無際。獨掩重門心欲碎。漫寫
相思。鳳帖淹紅泪。別亮銀燈還自照。征鴻叫過瀟湘
水。

蝶戀玉樓春

別情

佟世南

記得畱伊畱不住。馬逐車馳。相送還隨去。青山路盡
大江橫。此地生成離別處。傳道錦帆歸鶴渚。門外
桃花。不管韶光誤。西湖猶自隔南湖。夜夜西風吹鴈
度。

春閨

張星耀

近日腰兒渾瘦盡。因甚春來。便自多愁恨。腮邊總是
不曾乾。索性不將羅袖搵。薄倖飄流無處問。目斷
天涯。何處尋芳信。夕陽門外亂山青。細雨樓頭寒食

東白堂詩選

金門賀聖朝

夏夕雨

沈謙

炎威逼。火雲萬朶。俄成墨。電掣金蛇。江樹黑。天河直。
下夜深寒。把煩囂都滌。半掩羅幃暫息。簾外碧桐
如拭。隱隱殘雷無氣力。暗思玉簫。鞞烟鬢料。今宵眠
得。

月籠沙

九日題南樓壁間

沈謙

簾外潺潺暮雨。江邊隱隱寒潮。亂鴻縹緲寄書遙。滿
地黃花。人病酒。蜂蝶空勞。自惜明珠離掌。誰憐小
帶垂腰。畫樓西畔。是虹橋。只恐粉雲遮。不斷怕殺登
高。

恨別

沈謙

悄囑欄西執手。輕呼帳底沾胸。楊花漠漠水溶溶。隔
水隔花。看不見。恨殺銀驄。旅店催將鞍卸。孤衾尚
覺香濃。曉鶯啼過玉樓空。料得那人。眠未穩。斜靠薰
籠。

憶舊

沈豐垣

纖手低籠寶釧。銀紗微掩酥胸。舊時相見畫屏中。重
向月光花影下。總是朦朧。無語含嬌小立。多情密
意難通。畫樓獨自倚東風。夜夜夜深清淚滴。好夢成
空。

一剪梅

閨情

李雯

紅蓼秋深白鷺飛。半啓葳蕤。懶畫星眉。芙蓉初落水
平池。記得來時不見來時。樓外催寒暮角遲。月滿

知。金徽人近羅帷。鴈行無字寫相思。妾意君知。君意難

唐多令

寒食

陳子龍

碧草帶芳林。寒塘漲水深。五更風吹度遙岑。雨下飛
花花上淚。吹不去。兩難禁。雙縷繡盤金。平沙油壁
侵。內人斜春柳陰陰。回首西陵松柏路。腸斷也。結同
心。

寒食

宋徵輿

東白堂詩選
柳陌半晴陰。春潮烟外深。玉梨初受薄寒侵。踏盡江南寒食路。雲漠漠。雨沉沉。寶枕擁香衾。鴉鬟壓鳳簪。曉風清露拂瑤琴。記得那時花信也。如夢裏。到而今。

題畫

來集之

江上舊青山。松間長掩關。數年來奔走塵寰。枝上黃鸝相對語。問居士。幾時還。此意久闌珊。歸來好是閒。試評論萬壑千巒。添我一身雲樹下。與鹿豕。共癡頑。

孤館

宋 琬

窗外雨淅淅。涼飈戛竹枝。仗征鴻喚起魂癡。安得波斯千里鏡。重照見。曉粧時。孤館被秋欺。啼螿擾夢思。寫離愁空費烏絲。縱有金針絨線在。穿不起。泪珠兒。

春愁

陳維崧

蟬鬢隔花陰。香肌壓翠衾。風前一笑值千金。記得那時明月底。剛半線。露丹襟。銀鑰杳沉沉。朱樓阻信音。流鶯啼破綠窓深。清泪未彈紅泪滴。流不了。到如

東白堂詩選
今。初秋。涼入葛衣鬆。斜陽疊亂虹。畫簾前。蟬語匆匆。乾鵲排
橋看又過。零落盡。藕花紅。愁極轉成慵。黃花怕與
逢。舊江山猶對吳儂。巷口烏衣城上柳。能幾日是西
風。

初夏
疎雨過輕塵。圓莎結翠茵。惹紅襟。乳燕來頻。乍暖乍
寒。花事了。留不住。塞垣春。歸夢苦難真。別離情更
人。

初夏

朱彝尊

疎雨過輕塵。圓莎結翠茵。惹紅襟。乳燕來頻。乍暖乍
寒。花事了。留不住。塞垣春。歸夢苦難真。別離情更
人。親恨天涯芳信無因。欲話去年今日事。能幾箇。去年
人。

七娘子

夾城夜月

陸進

當年夾岸梧桐翠。到晚來。庭院剛新霽。寶鏡凝寒。金
波結綺。小樓風靜。人初醉。而今空照蓬門閉。問花
間玉笛。誰還倚。浪捲長虹。影搖沉水。清光獨對。難成
睡。

後庭宴

西樓

陸曾禹

獨上西樓。含情凝睇。危欄倚遍斜陽裏。絲絲垂柳暗紅亭。梅花驛路。人千里。幾回閣淚無言。看着瑤琴不理。征鴻過盡。誰與將書寄。城上鼓初搗。一天星漾水。

釵頭鳳

春怨

曹爾堪

薔薇院。丁香慢。一春好景憑誰看。遊絲織。濃陰碧。畫樓風起。飛紅狼藉。惜惜惜。真珠釧。玻璃硯。麻姑細。

憶。寫霜紈扇。東墻隔。秦臺客。簫聲宛轉。似曾相識。憶憶憶。

秋閨

張星耀

蛾眉鎖。雲鬢蟬。和衣自捲衾兒臥。殘燈暝。西風勁。露零瑤砌。鴉啼金井。冷冷冷。銀蟾墮。長宵過。空幃夢也。何曾做。粧臺凭。啼珠凝。瘦來模樣不堪臨。鏡病病病。

梅仙

咏紅梅

佟國器

東白堂詩選
艷質依然耐雪霜。占得春陽破臘飛香。紅紗新換素羅裳。小亭明月。灩灩浸霞光。羞與天桃鬪麗粧。自愛孤芳。風外飄揚。胭脂點點落銀塘。隨波流去。只恐悞漁郎。

咏白梅

佟國器

滿樹寒梅吐玉葩。不似楊花。還似梨花。幽香清韻却輸他。小橋流水。烟外一枝斜。淡雅粧梳對落霞。不着鉛華。却勝鉛華。羅浮曾否夢仙娃。曉山如黛。一片粉雲遮。

咏綠萼梅

狄循厚

嫩萼含香一樹垂。玉骨冰肌。綠映苔衣。佳人點黛試新眉。未施脂粉。約略遠山微。閒倚闌干照碧池。瘦影依依。有恨誰知。東風簾外暮寒時。低垂翠袖。無語立斜暉。

咏玉笛梅

陳仲永

紫萼檀心相映濃。香氣冥濛。春雪初融。素娥飛下蕊珠宮。却嫌粉淡。宜與着輕紅。清夜吹來玉笛中。搖落隨風。來去無踪。枝頭樹底已成空。多情明月。還照

舊芳叢

定風波

客園看桂

蟋蟀聲寒黯淡風。謝家池館九秋中。叢桂四山香滿院。一片粧成金屋。畫闌東。對酒不知身是客。堪惜。夕陽容易散晴空。却待夜深明月好。皎皎扁舟隔岸採芙蓉。

無題

沈長益

水影山光處處樓。柳陰陰下弄輕舟。驚起鴛鴦還作

隊相對。美人無賴倦梳頭。枝上殘紅和蝶瘦。知否。無情偏自解風流。試問眉尖多少恨。難盡似他飛絮。結成毬。

閨情

嚴曾相

風透流蘇露未晞。身輕偏愛減羅衣。坐對菱花嬌欲語。無主祇憐形影只相依。粧罷慵來携綵線。只見繡床閒。却小窓西。不道下樓愁幾許。何處簷前燕燕舞風低。

後風於

幽水問賦小窓西不夜不與然與荷同空綠前燕海

...

...

...

...

...

...

...



